



庚辛泣杭錄卷三

范承堃昭忠祠志

恩綸

同治二年四月初七日內閣奉

上諭左宗棠奏查明浙江殉難大員懇恩賜卹一摺

浙江學政刑部右侍郎張錫庚於杭州城陷後見

危授命大節凜然業經降旨照尚書例賜卹著再

加恩予諡按察使甯曾綸於城陷後投繯自盡大

節無虧可嘉可憫著照按察使例從優議卹張錫

庚甯曾綸並著入祀浙江省城昭忠祠湖州協副

庚辛泣杭錄卷三

一

將鄂爾霍巴固守湖州府城屢挫賊鋒城陷後闔

室自焚尤屬慘烈鄂爾霍巴著照副將例從優議

卹並於湖州府城建立專祠以彰忠蓋該部知道

欽此

同治十二年閏六月二十八日內閣奉

旨楊昌濬奏浙省建造昭忠總祠列入祀典豁免祠

基錢糧一摺著該部議奏欽此

同治十二年十一月初五日內閣奉

旨禮部奏遵旨會議浙省建造忠義總祠列入祀典


豁免祠基錢糧一摺依議欽此





昭忠祠圖

庚辛泣杭錄卷二

二





庚辛泣枕錄卷二

昭忠祠祀位圖

人 民 青 卷 臣 忠 宣 堂	人 民 率 在 王 忠 宣 堂	人 民 草 場 及 忠 宣 堂	人 民 身 大 忠 宣 堂	人 民 傷 忠 宣 堂
--------------------------------------	--------------------------------------	--------------------------------------	---------------------------------	----------------------------

昭 忠 祠 祀 位 圖	昭 忠 祠 祀 位 圖	昭 忠 祠 祀 位 圖	昭 忠 祠 祀 位 圖	昭 忠 祠 祀 位 圖
----------------------------	----------------------------	----------------------------	----------------------------	----------------------------

園 皋



其圖說圖考

右昭忠祠圖繪二千分寸之一祠基東起放生池西  
訖官路南廣九十九弓無甚屈曲北則參差不齊大  
致東長於西者十之八焉右爲縣轄籽粒屯地縱二  
十一弓五分橫三十弓其西南一角爲進路者縱五  
弓五分橫九弓共積六百九十四弓五分籽粒以三  
百弓爲畝計二畝三分一釐五毫左爲杭嚴衛屬屯  
地縱八十六弓五分橫三十八弓五分又東縱八十  
四弓七分橫十八弓五分再東縱八十二弓四分橫  
三弓共積五千二百四十四弓三分零畝以二百四  
十弓計之得二十一畝四分三釐有奇又左爲衛屬  
屯蕩十三畝三分共計縣轄衛屬屯地屯蕩三十七  
畝四釐九毫七絲九忽總祠居中兩進祀官紳右兩  
進祀官眷紳眷左祀武弁後凡平屋四十二間祀軍  
民婦女西北爲臬園舊主祠東南爲臬園舊址而加  
葺焉作祭時憩息之所其張文貞繆武烈李吳二邑  
侯張文節四祠均在總祠之右建總坊於路口惟每  
歲應納祠基地蕩錢糧自同治十二年起已邀豁免  
既不徵糧卽不入冊恐年後無稽爰將弓口畝分詳  
其說於圖後

建置  
光緒杭州府志

浙江全省昭忠祠在清泰門內金衙莊先是咸豐十年粵匪陷杭城死難者十萬餘人紳民建崇義祠於吳山王浦竟而城再陷克復後祠宇重成採訪未徧僅奉總牌十年紳民請建斯祠門堂恭募

御書匾額正饗堂二前祀官後祀紳東堂二前祀弁勇後祀民人西堂二前祀官眷後祀紳婦北堂一祀民人婦女分龕立位次序秩然祠旁皋園水木亭館之勝則備祠祭憩所園之外爲太湖蕩蓄魚放生禁

庚辛泣杭錄卷三

六

止網罟同治十二年巡撫楊昌濬奏入祀典豁免錢糧并撰碑記

### 東城小錄

清泰門內忠義祠原名全省昭忠祠以配吳山崇義祠同治八年沈司業祖懋李閣學品芳章祭酒鋆先後請建巡撫楊公昌濬奏請列入祀典豁免錢糧戶禮二部會奏以官紳軍民並祀有忠義合祠之語奉旨允准始易今名祠分三路中兩進各五楹前祀官員後祀紳士左一進祀武職右二進祀官紳眷屬東北環列廡屋祀軍民及婦女西偏餘地則分建張文

貞繆武烈李吳二邑侯及張文節四祠祠爲前明金  
省吾中丞學曾別業中丞撫閩後奉養太夫人特造  
望江樓盡覽風帆沙鳥之勝至今尙稱金衙莊云  
國初餘杭嚴顯亭侍郎沉割其中築爲臬園中有滄  
浪書屋梧月樓跨谿小太湖墨琴堂綠雪軒芙蓉城  
怡雲亭諸勝吳慶百施愚山宋荔裳杭大宗厲樊榭  
符聖幾汪西顥諸名流先後題詠後孫牧堂給諫宗  
溥購而新之居十七年杜門謝客一意承歡晚耽禪  
悅戒殺惟謹增購宅東太湖蕩爲放生池乾嘉閒又  
爲舒曉山大令元顥所得曉山舊宰如皋以名吏管

庚辛泣杭錄卷三

七

名園一時如應叔雅澧梁曜北玉繩李謹墀芝諸君  
咸觴詠爲樂未幾章桐門相國以足疾乞歸主斯園  
花酣酒熟輒招一二故人流連文酒時稱綠野堂獨  
樂園焉喬木雖存平泉又換巖小農河帥煊又改爲  
居第滄浪重得舊主人競稱羨自遭庚辛之變僅留  
遺址吳曉帆煦萬簾軒啟琛兩方伯濮少霞詒孫許  
緣仲道身兩觀察劫後同遊略加修築顏曰四閒別  
墅不二年閒雲有出岫者管領無人大吏乃從紳士  
之請給價購之改建爲祠三百年來六易其主終之  
於于忠萬義聚於斯哭於斯地靈人傑謂非湖山正

氣所鍾也哉

附昭忠彙祀祠

昭忠彙祀祠在太廟巷紫陽書院之東咸豐五年知府王有齡建入祀者自粵匪首亂之年起凡官於浙而死者位堂之中浙人之官於外而殉難者在左浙人之隨宦而死者右附祀兵役勇丁

光緒杭  
州府志

王有齡昭忠彙祀祠記

西湖誌經精舍有三祠焉自六一泉金沙港轉輾遷

建於此曰正氣合祀唐宋以來鄉賢名宦中忠節之臣曰先覺曰遺愛則鄉賢名宦之分祀也朱文正阮文達兩公及前撫黃公鳴傑記之詳矣蓋祠宇之建恆以典守無人易致頽廢故移其祀於講

庚辛泣杭錄卷三

入

舍而有司以課士來者既得瞻仰前型學官儒生復又為湖山增色已也近年粵醜跳梁蔓延江漢浙故宴然無烽燧之警而湖人之出仕者及曾官於浙者自封疆大吏以至一命之士編禱之將奮不顧身致命遂志指不勝屈天子獎恤蓋臣既別入祀京師與直省各郡之昭忠祠又得分也典至隆也顧稽諸省甲京師惟祀文職三品以上武職二品以上大員直省郡城各祀其本籍之人未有合祀於省會者有齡忝守杭州思敏三祠中正氣閣之意彙建一祠以志景仰度泰因書亦惟附於講舍為宜適紫陽監院陳君其泰因書院廉任之並告以前議陳君兼司誌經精舍典守蠲者茸圯者建闕者增躬親督率不憚勤勞孔碩孔固樓下有過於前既落成迺吉興工榜曰昭忠彙祀起自粵匪滋事之年凡曾官於浙

而死者位堂之正中左則爲浙人之在官而殉  
難者右則爲浙人之隨宦而捐軀者而兵丁鄉勇  
則書版懸堂壁以存其名於是十一郡昭忠之祀  
始得萃於一堂有齡之倦倦於此者一郡昭忠之祀  
朝廷褒揚忠烈之盛意一以使都人士升堂慨慕  
焉其王子以前死事者耳目所未周蓋有待也書  
院翔自康熙中鹽運使高公熊徵正中爲樂育堂  
奉祀朱子故院以紫陽名嘉慶初鹽政豐公建觀  
瀾樓遷祀樓下今復其舊以正祀位至建修之歲  
月暨土木丹雘之所費具載院長錢司業振倫重  
修書院記中茲不具嗚呼諸賢後先輝映卽其樹績於大節  
與西湖正氣閣諸賢後先輝映卽其樹績於大節  
範於鄉亦豈無當於先覺遺愛之稱者有齡識見  
譚陋且生而同時不敢謬加論列後之君子或有  
取於斯乎其姓氏爵里俟詳考而備書之亦仿三  
祠之式刻於碑陰是爲記  
咸豐五年十一月庚申朔

昭忠彙祀咸豐五年權設於紫陽別墅之左入

庚辛泣杭錄卷三

九

祀者凡數百人十年壞於粵賊牌位無可稽也  
同治十一年兩浙昭忠祠成前之彙祀於紫陽  
者幾無顧問近於東偏築室三楹遷移原碑更  
立總牌略存舊義春之蘭秋之菊虛靈不昧必  
有享其馨香者承堃謹識

公牘

請 卹浙省殉難文武官紳摺

兵部侍郎右副都御史浙江巡撫督辦浙江軍

務 臣 左宗棠跪

奏爲查明浙省殉難文武官紳請

旨議卹以勵忠節事竊浙江省城自咸豐十一年十一月失陷在城殉難各員疊奉

諭旨交臣查明具奏除將軍瑞昌巡撫王有齡副都統傑純已奉

旨優卹學政張錫庚署布政使麟趾等已奏請

賜卹外其餘各員節經臣飭司詳查茲據代辦藩司

蘇式敬臬司劉典將各屬殉難文武官紳查明

彙詳請

奏前來臣細加覆核該員等或臨陣捐軀或集團

遇害或勵官常而見危授命或篤儒行而矢志

庚辛泣杭錄卷三

十

不渝孤忠亮節實足光史冊而振綱常理合開

具清單恭呈

御覽飭部分別議卹以慰忠魂其團董及殉難婦女

應併由臣分造清冊咨部

題請旌卹至此外殉難各員容再查明具

奏伏乞

皇太后

皇上聖鑒施行謹

奏

續行查明浙江殉難官紳奏請 賜卹摺

護理浙江巡撫浙江布政使司臣蔣益澧跪

奏爲續行查明浙江省陣亡殉難文武官紳懇請

恩予旌卹以彰忠節恭摺奏祈

聖鑒事竊照浙江省城自咸豐十一年十一月失陷

經前撫臣左宗棠查明各屬殉難官紳奏准

賜卹在案迨省城克復以後卽經援照蘇省採訪章

程設立忠義總局飭委湖州府知府楊榮緒會

同在籍紳士國子監司業沈祖懋四品卿銜吏

部郎中張景青江蘇補用道章嗣衡及幫辦各

委員紳士等認真採訪以專責成茲據該局具

庚辛泣杭錄卷三

二

詳凡奉都察院

奏准咨交飭查之件及各處移咨之文並各屬造

送之冊以至殉難親屬呈報之案均經分別飭

查逐一採訪先將查明確實陣亡殉難官紳暨

各屬各業貧殉難眷屬分晰彙造清冊呈請具

奏前兼署撫臣左宗棠未及具

奏移交前來臣細加覆核該員等或臨陣捐軀或

集圍遇害或罵賊而慷慨授命或臨難而闔室

自裁均屬大節無虧洵足光昭史冊除將殉難

書識眷口暨官紳家屬婦女各冊咨部查核請

卹外所有各屬陣亡殉難官紳眷口請繕清單  
合無仰懇 皇上 旨 欽此 謹奏 請

天恩俯准敕部照例分別議卹其各該員等殉難家  
屬婦女並請

敕部照例旌卹以慰忠魂而表節烈理合恭摺具

奏 伏乞 皇上 旨 欽此 謹奏 請

皇太后

皇上聖鑒施行再其餘殉難官紳士民容再續查具

奏 奏合併陳明謹

奏

庚辛泣杭錄卷三

十一

奏 同治二年四月初六日巡撫左宗棠奏請

旌卹首次吳蓋臣等一百名

皇上 旨 同治三年十一月十四日護理巡撫蔣益澧奏

大司 請

旌卹第一次邢吉甫等四千八百七十六名

奏 同治三年十一月二十九日護理巡撫蔣益澧

奏 請

旌卹第二次馬桂林等一萬五千四百一十一名

同治四年二月十四日巡撫馬新貽奏請

旌卹第三次陶定求等九千九百四十一名

旗卹同治四年五月二十四日巡撫馬新貽奏請

旗卹第四次余寶葵等三千一百六十三名

旗卹同治四年閏五月二十日巡撫馬新貽奏請

旗卹第五次豫立等五千六十六名

旗卹同治四年八月二十五日巡撫馬新貽奏請

旗卹第六次畢長齡等三千八百六十二名

旗卹同治四年十一月十四日巡撫馬新貽奏請

旗卹第七次吳瑞龍等二千一百五十四名

旗卹同治五年正月二十四日巡撫馬新貽奏請

旗卹第八次王秉森等一萬一百九十七名

庚辛泣杭錄卷三

三

旗卹同治五年二月二十七日巡撫馬新貽奏請

旗卹第九次宋階明等五千六百六十九名

旗卹同治五年四月二十二日巡撫馬新貽奏請

旗卹第十次彭斯舉等六千五百二十八名

旗卹同治五年六月十六日巡撫馬新貽奏請

旗卹第十一次楊湘等七千三百五十一名

旗卹同治五年八月二十九日巡撫馬新貽奏請

旗卹第十二次闞朝貴等八千六百十五名

旗卹同治五年十一月十一日巡撫馬新貽奏請

旗卹第十三次唐銑等四千三百四十六名

同治六年正月二十七日巡撫馬新貽奏請  
旌卹第廿四次陳驥等一千四百八十九名

同治六年六月二十六日巡撫馬新貽奏請  
旌卹第十五次曹鉞等二千二百七十六名

同治七年正月十五日巡撫馬新貽奏請

旌卹第十六次陳韜等一千九百七十三名

同治七年閏四月二十四日巡撫李瀚章奏請

旌卹第十七次牛森等四千七百八十四名

同治七年九月二十六日巡撫李瀚章奏請  
旌卹第十八次陳鴻楸等二千九百五十名

庚辛泣杭錄卷三

十四

同治八年二月初九日巡撫李瀚章奏請

旌卹第十九次邵慶增等二千三百八十五名

同治八年六月二十八日巡撫李瀚章奏請

旌卹第二十次莊鳳翰等三千一百六十九名

同治八年八月二十六日巡撫李瀚章奏請

旌卹第二十一次陸祖同等一千七百二十六名

同治九年二月初四日署理巡撫楊昌濬奏請

旌卹第二十二次施文恩等一千八百五十四名

同治九年四月初十日署理巡撫楊昌濬奏請

旌卹第二十三次江枏等二千一百十四名

同治九年六月二十八日署理巡撫楊昌濬奏請

旌卹第二十四次

盛鍾瑄等一千五百六十名

同治九年九月二十八日巡撫楊昌濬奏請

旌卹第二十五次培善等一千三百八名

同治十年五月十二日巡撫楊昌濬奏請

旌卹第二十六次曹祖九等二千二百名

同治十年十月十八日巡撫楊昌濬奏請

旌卹第二十七次定裕等一千三百二十九名

同治十年七月二十九日巡撫楊昌濬奏請

庚辛泣杭錄卷三

五

旌卹第二十八次黃世幹等一千六百五十三名

同治十年十一月十六日巡撫楊昌濬奏請

旌卹第二十九次馮懋志等一千七百二十二名

同治十六年四月十二日巡撫楊昌濬奏請

旌卹第三十次吳寶仁等四千一百八十六名

同治十三年九月初二日巡撫楊昌濬奏請

旌卹第三十一次楊尙瑛等二千二百七十四名

同治十二年三月二十二日巡撫楊昌濬奏請

旌卹第三十二次吳敬榮等二千二十名

同治十二年閏六月二十八日巡撫楊昌濬奏

旗卹第三十三次吳瀛綬等九百三十二名奏請

光緒十二年九月二十五日巡撫楊昌濬奏請

旗卹第三十四次訥爾機泰等一千三百七十二名

光緒十三年三月初十日巡撫楊昌濬奏請

旗卹第三十五次孫紹德等三千三百八十二名

光緒同治十三年十月十六日巡撫楊昌濬奏請

旗卹第三十六次劉玉衡等二千八百名奏請

光緒元年二月十五日巡撫楊昌濬奏請

旗卹第三十七次巴達喇等二千七百六十五名

庚辛泣杭錄卷三

六

光緒元年五月二十六日巡撫楊昌濬奏請

旗卹第三十八次沈光復等一千三十二名

光緒二年四月十五日巡撫楊昌濬奏請

旗卹第三十九次劉元良等五千四百九十九名

光緒三年二月二十八日巡撫楊昌濬奏請

旗卹第四十次吳中和等四百六十八名

光緒四年二月二十一日巡撫梅啟照奏請

旗卹第四十一次長庚等五百六十九名

光緒五年閏三月十四日巡撫梅啟照奏請

旗卹第四十二次恆祥等六百二十九名

光緒六年二月初六日巡撫譚鍾麟奏請  
旌卹第四十三次志尙等五百二十五名

光緒七年三月二十七日巡撫譚鍾麟奏請  
旌卹第四十四次清海等五百六十九名

光緒八年二月二十一日巡撫陳士杰奏請  
旌卹第四十五次彭昌熾等六百八十八名

光緒九年三月二十日巡撫劉秉璋奏請  
旌卹第四十六次露麟等一千一百名

光緒十年四月二十七日巡撫劉秉璋奏請  
旌卹第四十七次鍾裕春等八百九十三名

庚辛泣杭錄卷三

七

光緒十一年三月十九日巡撫劉秉璋奏請  
旌卹第四十八次莊溶等八百二十四名

光緒十二年三月十四日巡撫劉秉璋奏請  
旌卹第四十九次王瑞有等八百九十二名

光緒十三年閏四月二十二日巡撫衛榮光奏  
請

旌卹第五十次張鑑南等七百十七名

光緒十三年十二月十九日巡撫衛榮光奏請  
旌卹第五十一次陶同福等三百三十二名

光緒十四年十二月十九日巡撫衛榮光奏請

旌卹第五十二次鄧驍等四百四十七名

光緒十六年閏二月十三日巡撫崧駿奏請

旌卹第五十三次尹長清等五百八十一名

光緒十六年十二月初八日巡撫崧駿奏請

旌卹第五十四次陳雲龍等二百七十七名

光緒十九年三月初六日巡撫崧駿奏請

旌卹第五十五次秦光翰等六百九十九名

光緒十九年八月初五日巡撫崧駿奏請

旌卹第五十六次余鎮等六百六十三名

光緒二十年八月十二日巡撫廖壽豐奏請

庚辛泣杭錄卷三

文

旌卹第五十七次阮雯等二百七十一名

光緒二十一年八月初二日巡撫廖壽豐奏請

旌卹第五十八次盧錦等四百六十名

請建全省昭忠總祠總坊呈批

前國子監司業沈祖懋等呈爲請建浙江全省

昭忠總祠總坊欽遵

諭旨崇闡幽光事竊照咸豐十年二月十一年十一

月杭州省城兩次失守上下游郡邑均遭寇陷

官紳陣亡殉難克復以來設局採訪自巡撫羅

壯節公巡撫王壯愨公以下節經詳奏二十餘

次不下二十萬人自五年以來迭次奉到

諭旨浙江官紳准建專祠及陣亡殉難官紳士庶准

旨建入祀昭忠祠致祭題名總坊仰優渥之

恩綸實足以闡幽潛而昭激勸惟採訪已歷數載而

大典祠宇尙未肇興從前杭紳曾購省城皮市巷民

館屋原備祠用嗣以地偏屋狹無可展拓而止六

年四月省紳議復宗文義塾卽將所購忠義祠

基修葺爲塾呈請

馬升憲批准飭遵在案本年正月准

軍需局咨稱奉

庚辛泣杭錄卷三

五

撫憲批本局呈詳採訪未盡事宜予限一年辦

竣撤局緣由奉

批通飭各屬勒限具報除由本局飭知各屬外

伏思昭忠祠欽奉

諭旨

大典攸關事屬浙江全省本局採訪各案人數眾多

恩錄其已經奉

旨准建專祠之殉難官紳僅建有王壯愍公祠宇一

區此外均未與建現在採訪未盡事宜將次辦

竣撤局有日伏祈

憲公祖大人飭下有司遴擇省城基地籌撥款  
項建立昭忠總祠先將奉  
旨准建專祠諸公牌位供奉祠宇中堂再將官吏紳  
士男婦牌位分廨供奉即於祠前建造堅實題  
名諸坊俟採訪撤局之日盡舉局存案牘冊籍  
並刻兩浙忠義錄板片交守祠人敬謹存弄以  
備稽核刷印至殉難官紳中忠烈最著者仍應  
建立專祠俾修秩祀自當隨時會商另行呈請  
紳等爲欽遵

諭旨崇闡幽光起見事關採訪忠義總局合詞呈請

庚辛泣枕錄卷三

三

建立祠宇並造總坊伏乞

批示祇遵實爲公便謹呈

右

浙江巡撫李

同治七年十一月二十八日

同治八年二月二十日奉

批 該紳等呈請擇地籌款建立昭忠總祠總

坊表揚忠義期於不朽所有省城昭忠祠自

應趕緊興建按時致祭以崇祀典仰布政司

會同軍需局先行籌款一面委員遴擇基地

分別勘估興建此次被難人眾應分官紳婦女爲三室仍歸大門出入以昭謹肅而免混雜其已設位供奉者是否仍應題名總坊並卽查明例案飭遵辦理可也

請撥款購產建造總祠總坊呈批

具呈紳士前內閣學士李品芳前光祿寺卿許乃鈞前安徽學政朱蘭前廣西學政周學濬前國子監祭酒章鋆內閣中書張應昌翰林院庶吉士劉崧駿前署江蘇布政使吳煦前署江蘇布政使杜文瀾前署江甯布政使孫衣言山東

庚辛泣杭錄卷三

三

鹽運使鄭蘭前四川成綿龍茂道濮詒孫坐補四川永甯道高應元前直隸天津道周家勳江蘇卽補知縣丁丙爲欽遵

諭旨請建浙江全省昭忠總祠總坊崇闡幽光事竊照咸豐十年二月十一年十一月杭州省城兩次失守上下游郡邑均遭寇陷官紳士庶陣亡殉難者甚眾克復後設局採訪自前巡撫羅壯節王壯愍兩公以下節經詳奏二十六次不下二十餘萬人口迭次欽奉

諭旨准建專祠並准入昭忠祠題名總坊各等因欽

遵在案計採訪已歷數年而祠坊尚未創建會  
由採訪局紳士沈祖懋等先後具呈蒙

准行司先行籌款經杭州府委員相度祠地初  
擬在於武林門內大街建造因民地難以全購  
以致議而未定茲紳等會同公議查有城東清  
泰門內金衙莊屋一所係前明金子魯中丞別  
業傍有皋園爲嚴顯亭侍郎所築素擅水木之  
勝現爲前大學士章文簡公遺業其皋園一帶  
爲前東河總督嚴小農河帥典產兵燹以後屋  
宇雖不全存規模頗爲宏敞以之購建全省昭

庚辛泣杭錄卷三

三

忠總祠較之平地起造工費當可撙節查章嚴  
故紳裔有在外出仕者亦有現任杭州者章係  
原業今願變價出賣嚴本典產亦願聽贖紳等  
熟商至再照時估值需屋價錢一萬千文又應  
召還續修及裝折并中金等款約錢二千串應  
由章姓分別贖回出立賣契卽以改建昭忠總  
祠似甚相宜仍遵

前撫憲李 劄飭此祠應分官紳婦女爲三室  
尙有士庶兵勇亦擬酌增兩室祠前合建總坊  
逐一題名規度基址均可敷用仍歸大門出入

以昭謹肅合無仰乞

大公祖大人俯賜察核行司撥款給領以便分別購辦並請

飭派委員勘估監修俾祠宇早日落成忠魂得所憑藉其沐

皇恩

憲澤實足以闡幽潛而垂永久除文明畝分另報仍先繪圖呈送外合將遵

旨請建昭忠祠總坊緣由聯名具呈伏祈

批示祇遵同深感戴上呈

庚辛泣杭錄卷三

三

右

浙江巡撫楊

同治九年十一月二十三日

十二月初三日奉

皇恩批

該紳等呈請購買金衙莊舊址建立全省

昭忠總祠洵屬妥善候飭司給價購買一面

委員勘估興辦可也

移會奉飭給價購基建祠委員估辦咨札

浙江布政使盧 爲移知事同治九年十二月

二十一日奉

撫憲札開據闔省紳士公呈內稱浙省昭忠祠  
未建查有城東清泰門內金衙莊一所購建全  
省昭忠總祠較之平地起造工費當可樽節請  
行司撥款給領購辦並請飭派委員勘估監修  
等情到本部院據此除批候飭司籌款給領購  
買一面委員勘估興辦外札司立即會同軍需  
報銷局籌款給領購買一面由司遴委委員勘  
估興辦等因奉此查此案前據各紳具呈到司  
卽經批示在案奉札前因除移

牙釐總局於善後款內籌款解司先行給領購

庚辛泣杭錄卷三

三

置一面另行委員往勘將修造做法逐細核估  
開冊稟候核飭興辦外擬合移知爲此合移  
貴局請煩查照施行須至移者

右

浙江軍需總局

同治十年正月二十日

浙江布政使盧 爲咨會事案奉

撫憲札開據闔省紳士公呈內稱浙江全省昭  
忠總祠尙未刱建查有城東清泰門內金衙莊  
一所購建昭忠總祠較之平地起造工費當可

樽節請行司撥款給領購辦並請飭派委員勘估監修等情到本部院據此除批候飭司籌款給領購買一面由司遴委委員勘估興辦等因奉經移請

牙釐總局籌款解司購買並移  
軍需局查照在案茲准

牙釐總局籌解前來除將解到前項金衙莊房價錢一萬二千串發交杭州府憑同各紳轉給產主將莊屋書契存府備案具報外擬合咨會爲此合咨

庚辛泣杭錄卷三

三

貴局請煩查照施行須至咨者

右

移

省城軍需總局

同治十年二月二十日

浙江布政使盧 爲咨會事案奉

撫憲札開據閩省紳士公呈內稱浙江全省昭忠總祠尙未翔建查有城東清泰門內金衙莊一所購建昭忠總祠較之平地起造工費當可樽節請行司撥款給領購辦並請飭派委員勘估監修等情到本部院據此除批候飭司籌款

給領購買一面委員勘估興辦外札司立即會  
同軍需局籌款給領購買一面由司遴委委員  
勘估興辦等因奉經移准  
牙釐總局籌解房價錢一萬二千串放給杭州  
府領回憑同各紳轉給產主將莊屋書契存府  
備案在案茲查前項莊屋既經購買作為統省  
昭忠總祠應將做法修費及如何分別安設牌  
位委令候補知府周守李燮會同杭州府籌議  
勘估稟辦除報明委員會同杭州府前往勘估  
籌議稟辦外合就移知為此合移

庚辛泣杭錄卷三

美

貴局請煩查照一體飭遵施行須至移者

右

移

浙江軍需總局

同治十年四月二十八日

軍需報銷總局司道

為飭遵事准

藩司衙門咨開案奉

撫憲札開據合省紳士公呈內稱浙江全省昭  
忠總祠尙未剏建查有城東清泰門內金衙莊  
一所購建昭忠總祠較之平地起造工費當可

樽節請行司撥款給領購辦並請飭派委員勘估監修等情到本部院據此除批候飭司籌款給領一面委員勘估興辦外札司立即會同軍需報銷局籌款給領購買一面由司遴委委員勘估興辦等因奉經移准

牙釐總局籌解房價錢一萬二千串放給杭州府領回憑同各紳轉給產主將莊屋書契存府備案在案茲查前項莊屋既經購買作為統省昭忠總祠應將做法修費及如何分別安設牌位委合候補知府周守李燮會同杭州府陳守

庚辛泣杭錄卷二

七

籌議勘估稟辦除報明委員會同杭州府前往勘估籌議稟辦外咨局一體飭遵等因到局准此合亟札飭札到該府即便遵照會同周守前往勘估籌議稟辦毋違特札

同治十年四月三十日  
祠圖工冊呈送撫憲會稟

杭州府知府陳魯候補知府周李燮稟

敬稟者竊奉

藩司札開以購建統省昭忠總祠莊屋飭即會同前往該處勘明將修造做法應需修

費逐細核估開具清冊並如何安設牌位妥議  
稟候核辦等因並奉  
憲臺札同前因奉此遵卽會同傳集各工匠前  
往該處查勘莊屋一所係坐北朝南擬於甬道  
之西添造石牌坊一座以壯觀瞻頭門新改造  
三間塘內自南至北造三洞平石橋一座原舊  
正廳三進擬將頭二兩進拆去新建五開間大  
殿二殿兩進以作安設官紳牌位之所惟所折  
第一進正廳係年久失修一經拆卸其間木料  
難保不無朽壞至第二進三開樓屋矮小只可

庚辛泣枕錄卷三

美

改造旁屋東首五福廳及旁屋三開裝折類多  
不全自應添料修整作爲安設士庶牌位之所  
西首樓三開並基地一進亦應大加修改以作  
安設婦女牌位之所北首餘地添建平屋十間  
作爲安設兵勇牌位之所至於各處牆垣及四  
面圍牆均須分別修築庶幾規矩整齊制度嚴  
肅當經飭匠再四核實摺節估計實需工料洋  
一萬九千一百元四角九分五釐除將祠屋款  
式木料大小詳細繪具圖說並造清冊呈送電  
鑒除稟

藩憲外合將遵札勘估緣由稟候  
察核示遵實爲公便再奉  
飭估建前浙江學政張文貞公專祠容再會  
勘估計明確另行稟辦合併聲明  
圖說二張畫清冊二本  
同治十年六月  
會辦昭忠祠暨張繆二公祠工程冊結詳文  
浙江布政使司軍需總局司道  
事案奉

庚辛泣杭錄卷二

七

憲臺札開據合省紳士公呈內稱浙省昭忠祠  
未建查有城東金衙莊一所購建昭忠總祠較  
之平地起造費可撙節請行司撥款給領購辦  
並請飭派委員勘估監修等情到本部院據此  
除批候飭司籌款給領購買一面委員勘估興  
辦外札司立即會同軍需報銷局籌款給領購  
買一面由司遴委委員勘估興辦等因奉經移  
准牙釐總局籌解房價錢一萬二千串放給杭  
州府領回憑同各紳轉給產主將莊屋購買書  
契存府備案並委候補知府周守李燮會同杭

州府籌議勘估稟辦除報明外咨局一體飭遵  
等因到府卽經札飭遵辦去後旋據杭州府陳  
守會同候補知府周守李燮稟稱遵卽籌集各  
工匠前往該處查勘莊屋一所係坐北朝南擬  
於甬道之西造石牌坊一座頭門新建三間塘  
內自南至北造三洞平橋一座原舊正廳三間  
擬將頭二兩進折去新建五開間大殿三殿兩  
進安設殉難官紳牌位東首五福廳及平屋三  
間應添料修整安設殉難士庶牌位西首樓屋  
三間并基地一進應大加修改安設殉難婦女  
牌位北首餘地添建平屋十間安設殉難兵勇  
牌位至於各處牆垣及四面圍牆均須分別修  
築當經飭匠擲節估計造具清冊並將祠屋款  
式詳細繪具圖說呈送督核示遵等情當查冊  
開共估工料洋一萬六十六元零照市價約合  
錢一萬二千七十餘千文又工料錢九千五百  
六十千零兩共錢二萬一千六百三十餘千按  
款查核均有浮多擬請以九折除零實給錢一  
萬九千四百千文飭令就款建造詳奉

憲臺批准給領並據具報於同治十年八月十

九日興工嗣於上年正月據杭州府陳守等申  
據各紳會商以設立士庶各位較多所建屋宇  
未敷供奉查祠內五福樓後面尙有餘地當傳  
各匠勘估丈量計可添建平屋十二間計工料  
一再核減實給洋一千七百六十元詳奉

憲臺批准趕建至上年秋間工程將次告成不  
意該匠人等不慎於火將後殿十間全行焚燬  
當卽責令照舊起造核計需工料實洋七百十  
五元又錢八百三十千文本應著落賠補據各  
匠以手藝營生傭工度日實難賠此鉅款環求

庚辛泣杭錄卷三

三

准予給領稟經杭州府轉稟請將前項重建工  
程造冊報銷等情又經詳奉

憲臺批准免其賠補飭造具固銷冊結詳銷各  
在案又據合省紳士呈請於金衙莊屋地基建  
造前浙江學政張文貞公專祠奉

憲臺批司會同軍需局飭委勘估詳辦又經飭  
據候補知府周守李燮會同杭州府勘得金衙  
莊屋西首基地一塊不在購建祠基之內當向  
產主言明地價洋一百元卽飭工匠估計擬建  
頭門三間正殿三間二殿三間左右廊屋照牆

及四面圍牆一律新築各項工料連地價核給  
錢三千九百八十千文詳奉

憲臺札准給發興建又據紳士呈請將殉難前  
任署鹽運使司金衢嚴道繆梓應得祭葬銀兩  
作爲建祠經費奉

憲臺批准所呈事屬可行仰布政司會同軍需  
報銷局核明詳辦等因奉經札飭候補知府周  
守李燮勘估詳辦嗣據周守申稱遵往金衢莊  
勘得現建張文貞公專祠之旁尙有隙地堪建  
大殿三間並添建住房三間爲張繆二祠看管

庚辛泣杭錄卷三

三

大役住宿并春秋祭祀之用傳集各匠估計工  
料一再核減實給洋一千二百七十九元飭令  
領辦詳奉

憲臺批准給辦又據杭州府陳守會同候補知  
府周守李燮申稱奉委建造通省昭忠總祠暨  
張繆兩祠將近告竣所有祠內添置應用各件  
及改造四柱牌樓各匠工料造冊呈請示遵等  
情又經本局擬請核給洋三百七十元錢二千

一百千文詳請

憲臺批飭如詳辦理等因均經報明給領趕辦

復據杭州府陳守會同周守申稱卑府等遵卽  
督令各匠分別趕辦於十一年十一月二十七  
日將所建通省昭忠總祠暨張繆二公祠及添  
置各件一律告成理合分別造具詳細清冊申  
請委員驗收詳請等情隨經發冊札委署杭州  
府知府余守勘驗去後茲據余守申稱卑府遵  
卽會同周守前赴金衙莊將建造通省昭忠總  
祠暨張繆二公祠及添置各件逐一勘驗均係  
工堅料實並無草率苟簡情事冊開工料亦無  
浮冒出具不扶印結申送前來除移藩司衙門

庚辛泣杭錄卷二

三

查案詳敘請

奏並將應行撥給祭品銀兩及祠基應豁糧賦飭  
縣查報核例分別詳辦外合將送到報銷冊結  
會銜詳送仰祈

憲臺俯賜督銷再此案係軍需報銷局主稿合  
併聲明爲此備由呈乞照詳施行

今呈送

銷冊五本 固結一紙 驗結一紙

右

浙江巡撫楊

同治十二年三月初二日

同治十二年三月十二日奉

批 據詳已悉仰軍需報銷局移會藩司衙門

查案籌撥祭品銀兩並飭查祠基畝分應豁銀

米數目一併敘具妥詳聽候

奏咨繳冊結存

移知會詳昭忠祠列入祀典豁糧請 奏批詳

浙江布政使司盧 為移知事本年六月初五

日奉

撫憲楊 批司局會詳省城建造昭忠總祠請

庚辛泣杭錄卷三

入祀典致祭並將祠基豁免錢糧請 奏由奉

批仰候會核具

奏另札行知並候鈔摺分咨

戶禮兵工各部查照仍候 奏批詳

奏督部堂批示繳等因奉此擬合鈔詳移知為此

合移

貴局請煩查照施行須至移者基前長

計鈔詳

右 移 日 奉

浙省軍需總局 日 奉

同治十二年閏六月初九日

布政使司  
軍需總局

會詳爲省城昭忠總祠請列入祀典

旨致祭並祠基豁免錢糧詳祈核籌

奏事竊照浙省前被粵匪兩次肆擾旋於同治三

年全省恢復凡陣亡殉難之官紳士庶兵勇婦

女人等歷次奏奉

恩旨分別入祠設位致祭均經飭屬遵辦在案伏思

旌揚盛典原爲彰正氣而勵人心苟以全省之忠義

節烈合祠於耳目會萃之區則瞻仰不獨偏隅

而激勵尤堪推廣爰據紳士前內閣學士李品

庚辛泣枕錄卷三

三

芳前光祿寺卿許乃釗等公同呈請於省城建

造昭忠總祠查有清泰門內金衙莊地屋一所

爲前大學士章文簡公遺業基址寬廣屋宇宏

敞章氏後裔願爲出售憑同李紳等轉給產主

書契存府備案一面飭據候補府周守李燮會

同杭州府將應行修葺折改添建之處分別勘

奏辦并於隙地分造奉

旨准建之前浙江學政文貞張公前署運使金衢嚴

道武烈繆公專祠三所於同治十年八月開工

十二年十一月一律告竣委驗均屬堅固其總

祠內區別品類各分屋宇安設牌位通計修建  
工料及添置傢伙神龕等項共用錢二萬五千  
三百一十千文洋四千二十四元均經籌撥給  
清由局詳報茲據各紳士呈請列入祀典按年  
籌給祭銀并請將祠基豁免錢糧奉

憲臺撫憲飭司議詳並據杭州府飭據錢塘縣杭巖

衛查丈前項祠基計縣轄籽粒屯地二畝三分  
一釐五毫衛屬屯地二十一畝四分三釐四毫  
七絲九忽又屯蕩十三畝三分共計地蕩三十  
七畝四釐九毫七絲九忽詳請核轉前來本司

庚辛泣杭錄卷三

三

等會查酬德報功

聖世之恩施特厚揚清激濁下民之歌頌同聲省城  
現建昭忠總祠暨張繆二公專祠既協於紳民  
企仰之忱亦合於維持風教之旨應請

奏懇

恩施准予一併列入祀典按年給祭銀八兩三祠合  
給祭銀二十四兩於同治十二年爲始在於兵  
餉截曠項下支銷春秋遣官致祭其祠基共屯  
地屯蕩三十七畝四釐九毫七絲九忽並請將  
應徵錢糧自十二年起永遠豁免以順輿情而

昭憲此項捐銀海恩殿五案茲奉前因擬合  
曠典至是項所需錢洋係另籌捐給辦其繆祠經費  
奏亦以應領卹葬等銀抵用均不動支正項請免  
造冊報銷理合會同詳請仰祈

察核

會具

庚辛泣杭二十日會同

恩奏并請咨並體及陳基盤盤絲由豫本暗訓院同

部查照除詳開照舊管戴雲鼓冊忠餘臨憲

撫憲核奏外再經管祠宇籌撥歲修等事容另

督憲會議定詳辦此案係本藩司主稿合併聲明呈乞

照詳施行

庚辛泣杭錄卷三

三七

鈔摺飭知移文

浙江布政使司盧大為移知事本年六月三十

五日奉奏外再經管祠宇籌撥歲修等事容另

撫憲楊札開照得省城建造昭忠總祠懇

恩列入祀典並豁免祠基錢糧緣由經本部院於同

治十二年六月二十日會同

督部堂李恭摺具

奏札司會同軍需局移行知照毋違計粘鈔摺等

冊典因奉此查此案前奉

撫憲批司即經鈔詳移知在案茲奉前因擬合

鈔摺移知爲此合移  
貴局請頒查照施行須至移者

計鈔摺  
右

浙江軍需總局

同治十二年七月二十九日

奏爲省城建造昭忠總祠懇

恩列入祀典並豁免祠基錢糧以順輿情而垂久遠

恭摺仰祈

聖鑒事竊照浙省前被粵匪兩次肆擾旋於同治三

庚辛泣杭錄卷三

三

年全省恢復凡陣亡殉難之官紳士庶兵勇婦

女人等歷次奏奉

恩旨分別入祠設位致祭均經飭屬遵辦在案伏思

旌揚盛典原爲彰正氣而勵人心兼以全省之忠義

節烈合祠於耳目會萃之區則瞻仰不獨偏隅

而激勵尤堪推廣爰據紳士李品芳等呈請於

省城建造昭忠總祠訪有清泰門內金衙巷屋

一所基址寬廣屋宇宏敞屋主情願出售議定

價值一萬二千串如數放給收領書契存府備

案一面飭委候補知府周李燮會同杭州府將



天恩准予一併列入祀典按年各給祭銀八兩三祠  
共給銀二十四兩自同治十二年爲始在於兵  
餉截曠項下支銷春秋由官致祭其祠墓計屯  
恩地蕩三十七畝四釐九毫七絲九忽並將應徵  
錢糧自同治十二年起永遠豁免以順輿情而

昭

曠典所用銀洋係另籌捐款其繆祠經費亦以應領  
奏卹葬等銀抵用均不動支正項應就免其造冊  
皇上報銷除分咨查照外臣謹會同閩浙總督臣李

奏瀚章恭摺具

庚辛泣杭錄卷三

早

奏伏乞

皇上聖鑒訓示謹

奏

浙江布政使司盧為移知事本年八月初六

日奉

撫憲楊 札開照得省城建造昭忠總祠懇

恩列入祀典並豁免祠墓錢糧緣由經本部院於本

年六月二十日會同

督部堂李 恭摺具

奏當經行知在案今於同治十二年八月初三日

奉到奉

硃批該部議奏欽此恭錄札司會同軍需局移行知

照欽遵等因奉此查此案前奉

撫憲鈔摺行司卽經轉移在案茲奉前因鈔合

移知爲此合移費局請煩查照一體轉飭施行

須至移者

右

旨會浙江軍需總局

同治十二年九月二十四日

禮部議准昭忠祠祀典祭銀豁糧摺子

庚辛泣杭錄卷二

聖

禮部謹

奏爲遵

旨會議具奏事同治十二年閏六月二十八日內閣

鈔出浙江巡撫楊昌濬

奏請省城建造忠義總祠列入祀典豁免祠基錢

糧一摺奉

硃批該部議奏欽此欽遵到部據原奏內稱浙江兩

次被陷陣亡殉難之官紳士庶人等歷經奏准

入祠致祭今購得省城清泰門內金衙莊屋一

所價值一萬二千串合建忠義總祠以隆報祀

又於隙地分造前浙江學政張錫庚前金衢嚴  
道繆梓專祠二所其總祠修建工料於善後捐  
款項下撥錢三萬五千三百一十千文洋銀四  
千二十四元一律告竣懇均列入祀典每年給  
三祠祭銀各八兩在兵餉截曠項下支銷春秋  
致祭其祠基合計錢塘縣轄杭嚴衛屬共屯地  
屯蕩三十七畝四釐九毫七絲九忽應徵錢糧  
自同治十二年爲始永遠豁免其繆祠經費卽  
以應領卹葬等銀抵用均不動支正項請免造  
冊報銷等情由該撫轉據該管官紳詳請具奏

庚辛泣杭錄卷三

聖

前來核與成案相符臣等公同酌議擬如該撫  
所請准其列入祀典以順輿情並准於兵餉截  
曠項下每年動支三祠祭銀各八兩至建造祠  
基合計錢塘縣轄並杭嚴衛屬屯地屯蕩三十  
七畝零應徵錢糧自同治十二年爲始永遠豁  
免仍令浙江巡撫將每年給過祭品銀兩並應  
豁免錢糧各數目分別造入該年兵餉截曠並  
奏銷冊內題報查核所有臣等會議緣由是否  
有當伏候

訓示恭候

訓示恭候

命下臣部行文該撫遵照辦理爲此謹

奏

嚴禁告示

兵部侍郎右副都御史浙江巡撫楊

出示嚴禁事照得金衢莊忠義祠係奉祀浙省

殉難官紳士庶之所欽奉

恩旨列入浙省祀典春秋遣官致祭理宜誠肅以妥

忠魂惟該祠地近城東曠僻散漫恐有無知愚

民認作遊玩處所祝壽宴客聚賭演戲借寓養

痾寄匱開弔攀折花木寄堆物件並有不法之

庚辛泣枕錄卷三

三

徒在太湖蕩內私捕放生魚苗以及任意糟蹋

借端滋事等情殊失崇奉忠義之意合亟出示

嚴禁爲此示仰諸色人等知悉爾等須知各伸

景仰以表潔誠倘敢故蹈前轍許該祠董事扭

送地方官從重究辦不貸其各凜遵毋違特示

同治十二年十二月初廿日

議覆歲修經費分派章程照會

署理兩浙鹽運使司豐 爲照會事本年三月

奏

命下督憲楊 批本署司詳議浙省左公祠等處祠

費一案緣由奉批查此案已據該司另文錄報  
浙撫部院衛 批示此項三祠歲修經費應照  
督部堂來咨以一萬兩之數發交該紳董經理  
似可敷用餘銀三千五百兩照舊作為醫局經  
費等因前來核與本部院前檄所指意見相同  
仰卽遵照辦理一面將紳董會三祠各首士如  
何分派妥議章程通詳立案察奪毋延等因理  
合照會爲此照會貴紳請煩查照卽將分派章  
程迅速議覆以憑轉呈備案施行須至照會者

庚辛泣杭錄卷三

四

右 照會

省城同善堂紳董

光緒十三年三月二十一日

善堂紳士應寶時等

本年三月二十一日

二日奉

督憲楊

浙撫部院衛

見相同仰卽遵辦

如何分派妥議章程通詳立案等因奉此照會

卽將分派章程迅速議覆以憑轉呈備案施行  
等因奉此紳等遵卽會同三祠首士集議謹議  
左文襄祠項下擬派息本銀四千兩省城楚湘  
忠義祠及餘杭一祠湖墅楚湘義園三處擬派  
息本銀三千兩兩浙忠義祠擬派息本銀三千  
兩查忠義祠地有五十餘畝文武官紳士庶暨  
婦女各歸堂座設立牌位共計堂廡十數所又  
有張文貞祠繆武烈祠張文節祠及地主章嚴  
二公祠屋宇寬廣牆垣層疊卽尋常蓋漏添瓦  
易換簷竹塗牆補壁用費甚繁且地極低潮必

庚辛泣杭錄卷三

聖

須通溝砌窰傭工拔草歲修數次擬派息本銀  
三千兩月息六釐每年應得息銀二百十六兩  
遇閏加銀十八兩以之儘數修蓋牆屋通溝砌  
地拔草等用連修數年可期堅實現在祠內設  
有採訪局有局使數人可資管理目前專辦歲  
修尙虞不足所有管理工食應俟採訪局停以  
後議歸管理費銀一百兩遇閏加銀八兩餘銀  
一百十六兩仍儘數歸作歲修由同善堂帮理  
董事范承莖經理每屆年終附入善堂報銷以  
昭核實紳等伏思祠雖三處加以附列祠廟其

有十處萬金之息分派應用數已無多惟當分  
往稽查實事求是俾垂永久爲此將分派數目  
管修章程各節備文呈請仰祈

俯賜核詳立案施行實爲公便須至呈者

右會同其照會

署理兩浙鹽運使司豐國奉此制  
光緒十三年四月初七日

兩浙鹽運使司德爲照會事本年四月二十

九日奉

撫憲衛批前署司詳據省城紳董議覆浙省

庚辛泣杭錄卷三

吳

左公祠等處歲修管理祠費分派章程立案緣  
由奉批披閱該紳等集議分派經費管理章程  
均屬妥善應如詳立案仰卽移行遵辦務須實  
心經理以垂久遠仍候日

督部堂  
鹽政衙門

批示此繳等因奉此除移行外合並  
照會爲此照會

貴紳董查照施行須至照會者

右會同其照會

省城同善堂紳董

光緒十三年閏四月初九日

兩浙鹽運使司德 爲照會事本年閏四月十  
四日奉

督憲楊 批前署司詳據省城紳士議覆浙省  
左公祠等處歲修管理祠費分派章程立案緣  
由奉批警閱來詳所議左公祠等處歲修管理  
分派章程甚爲周妥應准如詳立案以垂久遠  
仰卽知照並候

撫部院批示繳等因奉此查此案前奉

撫憲批示當經鈔詳移行在案奉奉前因除再  
移行外合再照會爲此照會

庚辛泣杭錄卷三

署

貴紳董查照隨時赴祠稽察督率工役人等勤  
加看管收支一切分別報銷以重官款施行須  
至照會者

右 照會

省城同善堂紳董

光緒十三年閏四月二十三日

議請祠旁官蕩作放生池呈  
董理浙省善堂紳士應寶時等 爲呈請事竊

照光緒十三年閏四月疊奉

兩浙鹽運使司德照會內開本年四月二十九

日奉

撫憲衛 批前署司詳據省城紳董議覆浙省

左公祠等處歲修管理祠費分派章程立案緣  
由奉批披閱該紳等集議分派經費管理章程  
均屬妥善應如詳立案仰卽移行遵辦務須實  
心經理以垂久遠仍候

督部堂

鹽政衙門 批示此繳又開本年閏四月初二日

奉

鹽政憲衛 批如詳立案仰卽分飭遵照仍責

成董事時往各祠稽察督率工役勤加看管毋

庚辛泣杭錄卷三

巽

稍疏懈並候

督部堂

撫部院衙門 批示此繳又開本年閏四月十四

日奉

督憲楊 批督閱來詳所議左公祠等處歲修  
管理分派章程甚爲周妥應准如詳立案以垂  
久遠仰卽知照並候

撫部院批示繳各等因奉此照會隨時赴祠稽  
察督率工役人等勤加看管收支一切分別報  
銷以重官款等因奉此查此案鈔詳內開兩浙  
忠義祠地有五十餘畝文武官紳暨士庶婦女

各歸堂座設立牌位共計堂廡十數所又有張文貞祠繆武烈祠張文節祠及皋園舊主祠屋宇寬廣牆垣層疊卽尋常蓋漏添瓦易換簷竹塗牆補壁用費甚繁且地極低潮必須通溝砌甃傭工拔草歲修數次擬派息本銀三千兩月息六釐每年應得息銀二百十六兩遇閏加銀十八兩以之儘數修蓋牆屋通溝砌甃拔草等用連修數年可期堅實現在祠內設有採訪局有局使數人可資管理目前專辦歲修尙慮不足所有管理工食應候將來採訪告成以後議

庚辛泣杭錄卷三

兪

歸經理費銀一百兩遇閏加銀八兩餘銀一百十六兩仍儘數歸作歲修由同善堂帮理董事范承堃經理每屆年終附入善堂報銷以昭核實等因

紳等

遵經偕同范董赴祠自上年僱匠

購料修理以來費已六七百元今年尙須接修方可扶頽葺敝以期堅固惟查祠後有太湖蕩一區周廣十三畝據管理人稱蕩本養魚自建祠後改爲放生池經 貴局每年認租錢十三千文充祠歲修等用茲祠既有歲修專款且放生善舉與祠相爲表裏所有賃租錢十三千文

爲數無多似可停止免致隨後膠轉致湮廢

一面由紳等按歲蓄養魚苗仍循放生之舉而

免網罟之慘庶貴縣紳士王文鳳等

大憲崇祠育物之懷兩有裨益爲此呈請

俯察前因

准與移咨立案見復施行實爲公便須至呈者

右

督辦採訪浙江全省忠義局

光緒十四年二月二十六日

放生官蕩永禁捕魚告示

庚辛泣杭錄卷三

調署杭州府事正任金華府正堂陳

出示永禁事本年二月二十六日奉

採訪忠義總局憲札開准浙省善堂紳士文

稱省城兩浙忠義祠後有太湖蕩一區周廣十

三畝據管祠人稱蕩本養魚自建祠後改爲放

生池經貴局每年認租錢十三千文充祠內歲

修等用茲祠既有歲修專款且放生善舉與祠

相爲表裏所有賃租錢十三千文爲數無多似

可停止免致隨後膠轉致湮廢一面由紳等

按歲蓄養魚苗仍循放生之舉而免網罟之慘

庶於大憲崇祠育物之懷兩有裨益爲此呈  
請俯察准與立案見復等因准此查兩浙忠義  
祠旁有太湖蕩一區周廣十三畝與金衙莊地  
址毘連向係出租養魚歲收租資十三千文兵  
燹以後金衙莊房屋官爲購買改建兩浙忠義  
祠經承建祠宇委員周守李燮查悉前情卽欲  
照舊召租一時乏人承租時本道在軍需局提  
調局務當以素喜放生故卽承租並繕租契送  
府存案自同治十三年起歲繳租資十三千文  
於薪水內扣存軍需局抵放看祠月支工食之

庚辛泣杭錄卷三

五

用十數年從無短少惟本道年已七十瞬將歸  
老田閒逐年捐租本非久計茲經紳士議歸各  
紳經理籌有專費事屬久長最爲妥協慨人壽  
之幾何憫眾生之無識若不爲之計久長誠恐  
事遠年湮將來難保無牟利之徒循行前轍改  
歸召租取息則網罟之慘仍所不免此事之未  
可逆料者不得不愼之又愼本道擬樹立碑石  
數塊上鐫放生官蕩永禁捕網違者立予重懲  
分置河濱留垂永久而遠近居民漁戶人等見  
之知爲放生官產犯之有干禁令不致有覬覦

偷竊之漸似較周密除移復并咨支應局查照  
外合行札知札府卽便遵照出示永禁捕網如  
有偷竊立提重懲切切等因奉此合行出示嚴  
禁爲此示仰軍民人等知悉爾等須知忠義祠  
旁係屬放生官蕩只准放生不准設網如有偷  
竊情事一經訪聞立提重懲決不寬貸各宜懷  
遵毋違特示

光緒十四年三月十一日給

藝文

浙江昭忠祠碑銘

楊昌濬

庚辛泣杭錄卷三

五

浙水東西禮義而文顧近弱國生斯土者與官斯土  
而用其人則亦曰近弱也然而句踐以報彊吳抗中  
國錢氏立國傳世戰守卒完其域譚戚名將以浙兵  
雄九邊則夫血氣之奮禮義之歸時爲之與

國家全盛博大之氣或漏氛蠶芽孽日星晦孛於是  
乎有廣西之亂令長不職遂勤將帥縱橫萬里鋒鏑  
塞乎中原狂走十餘年卒逃死於浙江浙江復而兵  
事漸解遂以救平浙江之繫於天下大矣唐宋以來  
袁鼂董昌方臘張士誠亦云代有然所殘掠或數城  
數十城已耳若夫外寇憑陵肢體折腹心潰枝葉稿

本根拔千百年所未有也夫浙江四達襟帶江海而背甌吳咸豐入年戊午三月賊犯上海旁略數縣形勢尙格逡巡遁走自皖南魚爛廣德績溪門戶盡撤而後有庚申之事省會不守大臣死封疆賢傑死扞衛匹夫匹婦慷慨於水火繩藥者相望何其烈烈與援師如雨五日而毆豺虎顧未大創也東南蠶食已徧壯健日死亡東壩陷而喉吭絕蘇州亡而唇齒失糧匱鄰蹙智勇困矣備分力單賊來無方而後有辛酉之事當是時列郡淪沒未下二三城皆鮑杙無濟可謂危矣文武官吏抗橫草之憤膏血塗野而不顧

庚辛泣杭錄卷三

三

士大夫之有志節者提義號召前殲後繼赴義如渴百戰悍暴投死包村析骸易子湖州比於睢陽時平艱難則莫彊乎禮義矣豈多文者固必弱哉今恪靖伯左公奉

命於鼎沸之日誓師於荆棘之野三衢一隅開府以謀克復揚威靈時蔣公益禮爲前驅而昌濬亦以書生參軍事馳驅知已效鉛刀之用擐甲數十百戰窮獸猶噬大鞞大鞞羣力允宣師武不匱浙東旣下乃以同治三年甲子之春攻復杭州廓清郡縣子遺黎民十不得五國殤之哀貴賤同之

朝廷教忠典制顯顯一命以上晉階錄孤尊者易名  
崇祀下不遺於氓庶既厚且廣左公乃延攬賢大夫  
士資其聞見采掇遺烈網羅幽潛開採訪忠義局於  
甯波府城後移杭州具籍入告仰邀前四州  
褒卹歲月淹久以名達者二十餘萬人蓋繼左公者  
荷澤馬端敏公谷肥李公湘鄉蔣公及昌濬封事既  
陳陳恩施沛然前後入奏

奏者三十有三京曹陳請恆有增益欽承

詔書考之成憲擇地東城金衙莊糜公府巨金闕建

庚辛泣杭錄卷三

善

祠堂奉文武官瑞忠壯羅忠節王壯愨而下鄉大夫  
戴文節趙忠節而下需次之吏庠序之士逮夫庶人  
婦女死封疆死扞衛死水火繩藥者堂夾房室粟室  
類從復崇坊表一如律令其有浙人而死事於外者  
附祀焉主採訪者今湖州知府楊榮緒金華府知府  
徐寶治浙江候補道秦湘業王景澄吳大廷林聰彝  
梁恭辰王蔭堂前國子監司業仁和沈祖懋前四川  
永甯道富陽高應元前內閣中書錢塘張應昌忠義  
祠創始同治十一年四月落成十二年二月庀工者  
浙江候補知府周李燮仲春宜祀俎豆肅離衣冠在

列車馬來下周旋興起乃銘麗牲之碑銘曰

皇帝中興沐浴日月重輪重光宵辰南顧女牛所照如沸如羹篤生將率運民水火掃厥穢槍漸水之流大越之山重秀而明奪八虎吻還女饋粥弔死扶傷溝壑原野無完家室嗟乎遺甦爰咨爰詢疇殉疆場疇抗戈兵萬死不視陷胸決腹凜乎苦生上告

天子榮賁九原禮在太常贈卹秩後復啟崇祠牲物來享相茲棟宇鬱乎沈沈翼然東城旁延林舉妥幽降靈百世馨香痛深創鉅職守土者內安外攘彼都人士毋狃於故忘危忘亡羣靈在天消戾化慝百穀

庚辛泣杭錄卷二

蓋

川文文

用成孫子忠孝蹈乎賢智肅承王章庶幾古語永無兵燹來昧斯銘同治十二年歲在癸酉仲冬之月

擬兩浙昭忠祠碑文

孫樹禮

宋室肇興在昔建表忠之觀吳山無恙於今葺崇義之祠凡以勁節激昂英靈赫濯宜百世祀增一代光矧浙省當辛酉再陷之時洎同治至甲子初元之日下則長鯨牽掣妄思連營而合圍上則瘳犬狂奔復因窮迫而反噬彌天毒燄甚大槍青犢之羣卷地鯨鱓盡嚼鐵銜刀之輩鴟吻張而髑髏哭獍牙磨而血肉飛向非武臣赴義一擊當千志士成仁九死無二

安見蘇臺秣陵之愁惡聚殲於會垣包村湖郡所摧  
殘崇封爲京觀然而赤手搏敵雖沈党項之軍碧血  
填渠已甚田橫之島或馬革裹尸而膏塗原野或龍  
驤建節而身殞疆場或糧盡而合室殉夫危城或援  
絕而全師沒於荒谷道辟鮮司徒之女伊誰免乎國  
殤及汪氏之童嗚呼慘矣說者謂時事陸危之日正  
人臣致命之秋登明堂之中晉先軫但求死所鑿凶  
門而出周隱侯不望生還是卽壁散符采劍匿光芒  
精衛爲之銜寃杜鵑於焉泣恨大都皆含笑入地自  
明其不共戴天豈復計一己榮名千秋血食然而崇

庚辛泣杭錄卷二

五

川文

德報功者

國家褒忠之典也發潛闡幽者大吏教忠之權也用  
是設採訪之局金管書名陳奏乞之章采職聖武  
彤廷報可經始於同治十一年四月鳩工庀材事興  
土宇落成於十二年二月燕饗奏樂用展明禋禮也  
嗟嗟粵氛煽惡率士含寃浙水蒙污同仇其憤自天  
目萬山而下皆昔時狐鼠所憑依卽嘉湖一水所通  
亦曩日鯨鯢所出沒痛定思痛悲不勝悲苟非億兆  
人舍生以挫其兇鋒曷由一二年迅掃而收其餘燼  
今者湖山依舊棟宇維新箕尾同騎正氣獨完於天

壤精靈不沫英光土燭於斗墟來游過中正巷前瞻  
拜至金衙莊側碑碣則風雲呵護愧無北海之詞勛  
名則日月不刊請勒南山之石

昭忠祠小記

丁致元

昭忠祠在城東隅清泰門路北爲前明金子魯中丞  
別業饒有水木之勝順康閒餘杭巖灑亭侍郎割其  
半以築臯園事載東城雜記輾轉歸章桐門相國後  
又爲嚴小農河帥第宅遭庚辛兵火僅存餘址克復  
數年萬篋軒吳曉帆兩方伯濮少霞許緣仲兩觀察  
並居武林鳩資修葺顏曰四閒別墅未幾主人雲散

庚辛並杭錄卷三

七

同治八年紳士沈司業祖懋李閣學品芳等先後請  
於浙江巡撫合肥李公湘鄉楊公總建祠宇以伸崇  
報相度斯地僉以爲宜卜吉於同治十年八月開工  
拓地向南啟門三楹巡撫楊公題額曰終古不朽  
進而爲沼橋架其上引城外沙河之水從水門曲折  
入園中蟄以長溝達於東河過橋折而東爲廳中奉  
御書湖山正氣宸翰石刻左右二門一爲成仁一爲  
取義再進爲饗堂五楹上奉浙省殉難文武官神位  
自瑞忠壯羅壯節王壯愍以下分龕洪奉位次秩如  
楊公復題額曰浩氣同流聯曰合數十萬人爲一

龕武穆忠肅以還此成創局願幾千百年無再厄越  
水吳山之畔永展明禋而一時大吏如按察使吳江  
蒯公賀蓀聯曰勝地此重遊最憶椿庭宦績蓮幕行  
踪三十年雪印鴻泥往事追尋增感喟前塵經浩劫  
祇留一片湖光四圍山色千百里風安鶴靜魏祠聳  
峙表忠誠跋云浙中爲先大夫宦游之地余隨侍南  
來六橋三竺之勝探訪殆遍嗣就撫藩聘  
從事幕府者數年帽影鞭絲舊遊歷歷今復奉命  
陳臬是邦湖山無恙風景頓殊不勝今昔之感爰於  
展謁忠祠之後撰句據分巡杭嘉湖道何公兆瀛聯  
懷藉證夙因之非淺焉

曰一例效孤忠食舊德服先疇各有精誠昭日月兩  
浙留正氣振綱常光史冊更新祠宇壯湖山督糧道

庚辛泣杭錄卷三

五

如公山聯曰億萬眾化鶴同歸城郭依然濁劫幸銷  
滄海變千百世椎牛招祭步騎羅些英魂羣湧浙潮  
來補用道萍鄉王公景澄聯曰蒙難溯當年歎劫幻  
沙蟲聲驚猿鶴祇今節著丹青取義成仁無二致褒  
忠徵鉅典荷恩頒綸綍績紀旂常同此棊流俎豆英  
名浩氣各千秋其後則殉難紳士之饗堂在焉堂亦  
五楹左右翼以東西序自戴文節趙忠節而下位以  
府分秩然不紊布政使上饒盧公定勳題一額曰萬  
古如生聯曰臨難無論賢愚全憑頃刻閒矢心忠烈  
取義含生峻節與吳山並壽食報何分貴賤悉萃億

萬人授命英靈升馨合饗芳名偕浙水長流兩浙鹽  
運使宗室靈燕聯日烽火熾錢江磨盾枕戈酬二百  
年養育恩覃試聽滾滾濤聲猶未洩三軍遺憤劫灰  
飛粵嶺析骸易子較十七省摧殘禍烈惟此巍巍廟  
貌差堪慰兩浙精魂其右爲堂仍舊名曰遂初文武  
官眷屬位焉其後爲正氣堂分祀各屬紳士婦女又  
折而東則平屋四十二間凡浙省各屬武弁義民暨  
殉難民人婦女悉分祀於斯堂後別啟一門築室三  
楹附祀金中丞學魯嚴侍郎沅文淵閣大學士諡文  
簡章公煦河道總督嚴公烜以存地主之舊其左則

庚辛泣杭錄卷三

堯

皋園在焉修竹一林平山數級山前爲滄浪書屋其  
額猶吳梅村祭酒遺墨自甲子至今卅載以來凡大  
吏設局採訪殉難諸公事實及編輯忠義錄案牘雕  
版悉萃於斯前爲水榭梁山舟學士題曰竹煙波月  
之間其東則長廊一帶以達於墨琴堂綠雪軒諸勝  
曲檻之外則小太湖也清流皎潔波影明漪憑欄俯  
瞰益慨然於殉難諸公冰清玉潔有白水盟心之操  
焉祠成於十二年仲春之望糜費三萬九千餘緡有  
奇庀工者爲周太守李燮祠旣成省紳又請將張文  
貞公繆武烈公張文節公暨仁和邑侯李公吳公各

祠增建於祠之西偏俾守祠者灑埽祭祀相與維繫於不替更樹坊於祠前上題日星河嶽以表之而規模始備越十餘年旁風土雨棟宇漸摧大吏更籌歲修之費責范君承整董其事更次第而修葺之范君懼祔位之久而易漈也屬手別錄於冊自官紳兵民暨婦女凡二百八十五龕彙錄四十冊藏之吳山崇義祠以垂久遠前祀至四十六次今增祀十五次錄既畢乃記其事如右

庚辛泣杭錄卷二

本

孝故忠可移於君忠之所極義卽在焉司馬溫公曰死黨友存孤兒非義也明君臣之大分識天下之大義守死而不變斯可謂義矣夫明君臣之大分非忠也耶忠義之必基於孝也明矣會垣東之皋園孝子之地也前明金中丞學曾築以奉母

國朝嚴侍郎沆繼以讀禮者也中丞視楚學時江陵奪情起視事公致書政府中有不顧綱常廢斥正人之語侍郎則立朝嶽嶽清標照耀國史如二公者非移孝作忠之明驗歟二百年來園亭未墜顧日涉其中者競愛其泉可禊石可倚木可蔭而二公之流風

餘韻知之者亦漸尠矣咸豐庚申辛酉粵逆兩陷浙垣十一郡之官紳士庶攫鋒鎬蹈湯火先後死忠義者奚止數十百萬其間井邱墟廬黔垣赭者更不計焉同治上元甲子仲春大軍克復會垣皋園獨存迨仲秋浙省悉平置吏

奏開忠義局旣纂有傳紀有表復以前撫軍王壯愨所建瑞石山椒之昭忠祠與郡人士於峨嵋山麓建立之崇義祠限於堂宇未克按位分題於

聖朝褒崇顯揚之義尙有未盡因謀擴而充之僉曰與其度地庀材役民糜費不若皋園之因地制宜也

庚辛泣杭錄卷三

空

且顧名思義有合乎移孝作忠也於是邑申郡郡申監司與廉訪方伯更達撫部咸以爲善乃出金以贖之倚者扶朽者易黝者聖湮者飾廳則更爲龕廊則更爲廡莘莘焉秩秩焉向之攫鋒鎬者今則奉俎豆矣向之蹈湯火者今則薦馨香矣將見園之泉不僅可禊也有清光不滓之性焉園之石不僅可倚也有介然不屈之慨焉園之木不僅可蔭也有歲寒後雕之操焉則斯祠之所由改建者豈偶然哉後之拜祠下者不獨忠義之氣得所景而孝思亦油然而生矣卽金嚴二公之清風亮節亦藉以傳矣

事君不死難守土不殉亡忠之臬也賢者以自任而不肖者以自汙則忍讓詬爲寇賊獲者輪較交乎天不知恥者矯之曰吾甯爲彼蔑爲此矣雖然知恥不與楛窳期而楛窳從之楛窳不與死亡期而死亡從之死亡不與禮義期而禮義從之此雖後乎臬猶躡其景者也乃者海隅有事失險阻屬國數千里而將帥士大夫布裂四肢盤肝涉血而蹈者所見不幾有風波之民且不變市肆以誅之余觀海隅之役然後觀於粵寇之役而歎浙江諸吏民其楛窳雖不與沅

庚辛泣杭錄卷三

空

湘齒其死難知禮義猶踊於今日一楛省城清泰門故有昭忠祠合祀兵死者名先後得至於光緒三十四年六月庚辛泣杭錄卷三 湘齒其死難知禮義猶踊於今日一楛省城清泰門故有昭忠祠合祀兵死者名先後得至於光緒三十四年六月庚辛泣杭錄卷三 奏五十六更其最數在牒嗟乎浙江之心天下之心也曠其不與數建膜而曠其發之沈絕乎臬隸君重其身國人與有之當是時潯流徧東南甯斷脰絕項而不有鞠窮以事寇者相望也今當寇之沫浸尋三十年死者屺矣而父老至今道之猶泣涕沾衿袍人心之摯幅宜無息者然後生偷樂以外寇爲玩志不及曩人一嬉於祠祇便其譁囂之美耳欲夫祠

者非以弔國殤而報之牢醴也將作其屑蠶以振董  
後之人後之人已不能續而逖逃伏匿以爲君父羞  
而區區欲藉寵名以劫之嗚呼其亦有傳一旬之權  
火而冀胡與鄂人羣見之而躍也雖然使得有心者  
視之憤恚動毛髮誓終古不疵其身考工記注齊人  
言終古猶言常  
也雖一祠猶足與助故曰是景也於景之中又躡其  
景也光緒二十年夏六月

景也光緒二十年夏六月

命孫紹康

同治十二年歲癸酉族人偕赴省試試畢聞東城昭  
忠祠落成與羣季往遊見棟宇宏敞粟主整肅祠祀

庚辛泣杭錄卷三

奎

庚辛殉難者二十萬人吾族之創義殲賊以身殉

國者咸與焉遂相與言曰斯蓋涵濡我

聖朝之德化與吾祖宗忠孝之訓久矣自咸豐十一

年賊酋李秀誠李世賢率烏合之眾自衢婺陷紹興  
直犯省城以吾邑爲孔道九月二十三日賊歟至三

十四日復至十月朔衝突者復億萬計窟七日嗣是  
往來蹂躪越三載其荼毒不可勝紀時暨陽包立身

創義軍拒賊殺賊數十萬賊築長圍攻之吾里當其

衝益被蹂躪先是賊之將至也拔貢生秉元曰吾輩

不可屈也酌酒盟神前毋降賊賊猝至男婦不及避

者或唾罵死格鬪死溺死縊死武舉人顯清手刃賊  
數十人以死無一屈者旣而賊踞邑城分千數人卡  
吾里族人復羣聚宗祠而相與謀曰吾輩義不屈豈  
容賊巢茲土當奮勇誅之卽不成亦願以一死報

國家耳何生爲壬戌二月二十一日夜半數百人潛  
伏卡左右黎明各帕白大呼殺賊賊驚覺倉卒不及  
備殲焉投屍姜家潭積如邱山賊怒甚率黨數百艘  
張帆剡浦泊而上奮呼曰不降則不免族人叱應曰  
降死也戰一死耳於是戰於柏樹鎮且戰且走死相  
枕藉乃奔入龍門山賊追之張大幟以上幾登搏水

庚辛泣杭錄卷三

畜

礮族人飛石礮擊之賊始駭走焚村居而去秉元歎  
曰事亟矣非併力以攻之恐不敵也遂率子壽彭往  
包村乞師無何包村陷父子殉焉族人更憤甚裹創  
以戰卒不屈會

王師平兩浙吾里始安越一年

朝廷旌諸死難者贈冠帶賜蔭襲異數也嗚呼自癸

亥迄今吾族享

聖朝帡幪之福又十年矣吾族自宋家茲土惟

國朝建鼎時一罹方石之難厥後食舊德服先疇三  
百年不見兵革猝然遇大難不惟薦紳文學曉大義

捐軀不少怯卽編戶之農類能攘臂一呼奮竿槌與  
羣兇血鬥其孱弱婦女亦復舍命不渝嗚呼烈矣今  
者靈靈千古不滅而忠目星靈  
旌卹之典光及泉壤嗟此毅魄必感且泣於地下卽  
躬與賊抗死失舉報

詔訪所不及者彼豈庸有悔歟爾子弟或及見或不  
及見益當守祖宗忠孝之訓而謹識  
聖天子崇報之恩不使忘羣季曰諾謹識之不敢忘  
然不可不記之以爲族之子孫勗爰歸寓泚筆而爲  
之記

庚辛泣杭錄卷三

壹

昭忠祠春秋祭文

王震元

惟我

皇上御極之某年某月朔越某日浙江布政使司布  
政使委主祭官杭州府仁和縣知縣錢塘縣知縣率  
同與祭紳耆謹以羊豕黍稷酒醴蔬果之奠致祭於  
浙省殉難  
滿漢文武官紳軍民婦女之靈曰嗚呼生而爲英死  
而爲靈千古不朽河嶽日星爲

國捐軀成仁取義照耀湖山兩閒正氣撫綏萬姓節  
鉞東南罡風乍起心照寒潭堅守柳營三軍司命願

與時違將星忽隕京江風度士林所宗滿城桃李荆  
棘蒙茸布化承流旬宣兩浙事不可爲登陴泣血詰  
姦禁暴執法維嚴清河遇寇志決身殲裕課通商權  
衡禹筮守禦軍譁首攫鋒鏑繡衣直指任重糧儲室  
如懸磬時異勢殊防海備兵分巡邊徼止水一泓死  
忠死孝龔黃媲美暫縮銅符五日京兆命也何如治  
宰錢江花分百里巷戰身亡後先一揆策名需次百  
爾寅僚憤同胥種氣湧江潮臺閣宣猷林泉養望身  
退優游志非高尚青年勵學皓首窮經束身自好惟  
吾德馨出作入息八口之家先疇是服老圃桑麻弓

庚辛泣杭錄卷三

奕

治箕裘各操長技居肆百工通功易事懋遷有無利  
權子母百貨駢闐左宜右有璇閨賢媛繡闈女貞心  
堅金石節勵松筠總總林林百千萬億水火刀兵同  
罹浩劫城存與存城亡與亡有死無二甘爲國殤運  
值中興篤生柱石埽厥櫬槍登民衽席裛忠卹義表  
微闡幽賁榮泉壤報享春秋鬱彼東城崇祠斯闡妥  
幽降靈几筵森列冠裳濟濟俎豆莘莘羣靈在上來  
格來歆嗚呼尙饗

祭昭忠祠文

惟光緒十四年二月二十七日及十一月二十八日

洪錫承

爲浙江省城庚申辛酉遭難之期某等謹以清酒庶  
羞致祭於浙省殉難五墓太烈烈烈烈烈  
滿漢文武官紳軍民婦女之靈曰嗚呼天帝醉夢兮  
沐猴之年鬪雞之歲再毒吾杭民於火湯狼千羣而  
貉邱兮狂寇橫噬殲厥良吾杭之人雖荏弱兮怒  
髮抉眚斷頸湛胸以義自彊從疆之吏闖之率兮誓  
城存與存亡與亡田橫島兮睢陽憶處士兮有言兵  
蓄兮永無患何湖山乾淨土兮惜嗟喋乎腥羶豈天  
欲激斯人之正氣兮照青燐碧血於千年雲幕兮日  
韜賊蝟集兮如毛絕糧兮春磨塞委命兮赫連刀長

庚辛泣杭錄卷三

三

平代兮兄瘦伯道棄兮兒號昆明灰兮汨羅水荒谷  
兮莫敖恆河沙兮劫運何所過兮虐且饕日月出櫬  
槍息俎豆莘莘兮崇碑屹痛巢卵兮木禁樵蘇懲釜  
魚兮池迴釣客委厥靈爽兮桐門之故宅旃檀供盂  
蘭設兮仲春仲冬之夕恍雲旗風馬兮翩翻而出入  
觀屢聞鼓吹兮昇平之猶昔故鬼新鬼相逢兮唏噓  
而於邑浙水安流兮吳山生色願貞魂毅魄兮長保  
障於無極尙饗軍且賦文盤日烈天帝朝慕兮  
爲庚辛殉難士民募建水陸道場啟

蒼生何罪慘遭浩劫之難同赤子無知苦念游魂之  
莫冥光陰瞬息於今十年靈爽鑒觀自有千古雖然  
欲登道岸須乘寶筏同歸將入法門尤賴慧鑑普照  
震旦以音聲作佛事天竺以名句度羣迷法自西來  
教由東盛是以經宣貝葉散花雨於色天臺繞金蓮  
扇香風於淨域無非本慈悲以救苦難轉煩惱而化  
清涼也吾杭庚申辛酉兩遭兵燹城隍顛覆社稷傾  
危邑有流亡民多死喪或攫鋒鏑或蹈火湯或赴水  
以捐軀或懸梁而隕命或遇在陳之厄或罹過宋之  
艱遺嬰泣歧棄尸臥野皆臨節而就義能殺身以成

庚辛泣杭錄卷三

亥

仁慘何可言悔將奚及伏思人生固重不朽之名我  
佛徧示無常之說演揚顯密喚醒癡聾成功德林越  
生死海心持半偈勸凡愚培羅漢之因口念千聲教  
善信受彌陀之記今則寒暑遷流甲癸轉易歎音容  
之已邈幸祠宇之新成極目於無何有之鄉魂歸夜  
月設想在是邪非之境影隔天河謹擇於十一月二  
十四日爲始至十二月初一日圓滿遵雲棲水陸儀  
軌於浙江昭忠總祠啟建普利道場七晝夜追薦兩  
次城陷殉難士民出五濁雜處之邦入萬善同歸之  
地聞斯妙諦示以真詮發菩提心證涅槃果願現在

卽求自在乎來生定獲無生瑤壇徧覆乎慈雲繇蕊  
均沾乎法雨金剛現相壞色施不染之衣香積分身  
搏食借難消之飯赤瑛盤獻菴摩勒白玉瓶持布瑟  
波妙樹皆七寶成行法炬亦一燈分烈鏡開月大旛  
動風輕芬散梅檀鷲嶺之仙踪未墜韻流鐘磬魚山  
之梵唱頻聞供養多儀莊嚴如法功圓行滿率以七  
日爲期利溥德周無使一夫不獲惟是願海難填結  
社要希夫掛樹福田共種布金差比夫買園所望仁  
人君子物我同胞怨親一體不惜解囊相助便可通  
神若教操券能償還將使鬼謹啟

庚辛泣杭錄卷三

完

追薦殉難忠義建水陸道場疏

釋宏熹

伏以靈山高會溥利益於當年法海慈航濟艱危於  
奕世應羣機而降格大啟無遮建眾德之功助用資  
冥福仰干聖意俯鑒凡情錢塘雲栖寺沙門據本省  
忠義祠董事某等叩稱竊以刀兵慘怛慨天道之難  
知俎豆馨香見人心之不死是以哀忠表義  
聖恩特報崇祠導滯宣幽佛力端超浩劫蓮宗在望  
檀烟宜伸翳惟粵逆肆狂浙疆載陷痛城破者六十  
餘邑弔國殤者百十萬人碧血與漸水爭流白骨並  
吳山高峙嗚呼慘矣薦拔云何嗣逢甲子於上元蛾

賊潛消兩浙今際辛巳於光緒駒陰倏歷廿年不憑  
覺路之垂靈曷慰劫餘之追痛謹以光緒七年十一  
月二十八日爲始恭就武林龍興寺延請戒德啟建  
法界聖凡水陸普度大齋勝會道場一壇先於二十  
六日甲寅啟經十二月初二日庚申圓滿伏祈大啟  
更生之會宏開普度之門專申拜薦咸豐庚申辛酉  
兩次浙省殉難滿漢文武官紳士庶暨官眷職婦烈  
女等忠魂毅魄浩氣靈風同赴法筵咸聆妙道玉毫  
布彩金臂垂神仗經功而蕩滌罪愆藉懺力而蠲除  
災戾劔戟變爲寶樹旌旗化作金幢如集萬二千人

庚辛泣杭錄卷三

辛

聽陀羅尼之眞偈重現五十四顆瞻舍利子之圓光  
三有均霑四恩總報祝

皇圖之鞏固慶

壽寓之昇平謹疏  
浙江忠義錄序  
馬新貽

賊起廣西十數年而始滅蹂躪徧東南人之化爲沙  
蟲猿鶴者不可勝數而浙之被禍爲尤烈庚申辛酉  
杭城再陷自羅壯節王壯愍以下文武官吏殉難者  
百數十人而士民婦女以億萬計至於趙忠節之守  
湖州卽立身之守包村以彈丸之地當方張之賊經

年累月力竭乃亡數萬人悉遭屠戮無一降者嗚呼  
奇矣他省未聞有是也於時浙幾盡爲賊有所未破  
者溫衢二府耳迨湘陰左撫軍督師來浙以次戡定  
諸郡縣卒復省垣厥功偉焉楚湘各軍中之血戰而  
死者豈少哉蓋我朝二百年來百姓之涵濡於德澤  
者深漸靡於教化者人人知有殺身成仁見危授  
命之義止而疆臣閫帥下而一命之吏一介之夫以  
及婦女童孺罔不激於義憤雖斷首剖心九死而靡  
悔固不止浙省爲然而天地忠義之氣一若獨鍾於  
浙者則又何也先是省城設有採訪忠義局新貽撫

庚辛泣杭錄卷三

七

浙以來爲之上聞而請卹者已十有餘次不下十萬  
餘人

朝廷褒忠之典有加無已死者固可無憾顧姓氏雖  
得表揚事蹟尙多茫昧使後之人無以感發而興起  
此亦有風化之責者所當用心也於是在事諸人有  
撰刻忠義錄之請因聘能文之士數人爲纂修略參  
史家之體凡有行事可表見者悉次爲傳其他無所  
考而以死者則係之表焉草創於丙寅之秋逾年  
而傳先告成名之曰浙江忠義錄共得若干卷授之  
剞劂而請序於余余謂古來忠臣義士若先軫汪錡

縣賁父之屬往往散見於簡策而唐宋以上不聞有  
專書昭忠錄則助於元人所記爲宋末忠節事實明  
正德中桑瑾著有節義林正續二編自三代及元搜  
羅頗富然其書皆不甚傳於世尤可怪者史記兩漢  
多爲貨殖游俠方術列傳而忠義反無得而稱焉晉  
書及北史始有節義傳五代史又分爲死義死事二  
傳而所傳皆寥寥數十人歐陽氏之所謂死節者則  
止有王彥章等三人焉豈作史者其難其慎而故從  
其略與抑當時莫爲之傳而後世遂無述與然則是  
編之作亦以備

庚辛泣杭錄卷三

圭

國史之采擇一以正草野之傳疑信乎爲不可少之  
書也同治六年歲在丁卯仲冬序發無敢與然其  
立目浙江忠義錄跋  
從來忠義之事載於史籍者甚多然少專書若元人  
之昭忠錄明桑瑾之節義林正續二編此亦專書之  
類也竊以爲人臣之遭際時當無事則鴈拜承麻運  
值多艱則崎嶇效節時勢使然古今一轍我  
朝重熙累洽二百年來  
深仁厚澤浹於人心民生不見兵戈共享太平之福  
久矣自廣寇起蹂躪徧天下浙省兩次淪陷被禍尤

慘文武官吏及紳民婦女兵勇等殉難者不可勝紀  
最後湖州趙忠節同守孤城析骸易子與賊血戰力  
竭而後陷比之張巡許遠殉節同烈固由

國家培養之恩有以作其忠義之氣亦可見天性在  
人其剛毅堅貞之慨雖紆迴曲盡而猶未泯也宮保  
左爵相曩奉

命撫浙值寇烽徧地力謀恢復彰

天討遏賊氛密布機宜迅圖進取其時前升任廣東  
中丞蔣公現任浙江中丞楊公共襄厥事踰年而全  
浙肅清向之元惡巨憝憑恃險阻均剷削銷滅吳越

庚辛泣杭錄卷三

七

之閒重見山高而水清欲問當年之軼事而遺老殆  
盡矣其善後事宜次第舉行如採訪忠義局是其一  
也自同治三年宮太保左爵相奏請開局辦理旋  
以升任去嗣湘鄉蔣公荷澤馬公合肥李公先後撫  
浙皆委員派董採訪殉難諸人節次入

告奉

旨允准并延能文之士將忠義事實分別傳表錄爲  
成書計自同治三年至七年得書十卷而諸公皆升  
任以去今中丞楊公由浙藩奉命撫浙此局仍因其舊公自肅清全省之後蒞浙最

久嘉謨美政書不勝書凡吏治民生立養興教諸大  
事孜孜汲汲日昃不遑躬行勤儉爲合屬先吏畏民  
懷浙之人恆稱頌弗衰公恐忠義之久而就湮也乃  
與紳屬謀購城中皋園隙地籌款建祠以垂永遠仍  
命員董等續緝忠義錄一書并命景澄復綜局務計  
自八年至今與眾紳等逐加編緝又得書三十卷并  
前共成三十卷其有事實者則爲立傳其無事實者  
則附名於表自疆臣將帥以迄在籍流寓各官紳次  
至民人婦女兵勇等分門別類卷帙井然統名之曰  
浙江忠義錄蓋紀實也後之覽者感滄桑之變念松

庚辛泣杭錄卷三

書

筠之操使孤忠毅魄不隨荒煙蔓草而俱沒他日或  
以備

國史之採而中丞維世勵教之意其裨益於人心風  
俗豈淺鮮哉書成爰誌其顛末於卷後

昭忠祠重整祀位記

王鼎祺

昭忠祠位分爲六曰官曰紳曰民曰官眷曰紳眷曰  
民婦官則更分文武紳民則各分府縣婦女亦如之  
次序秩然洵足嚴俎豆而報馨香矣願祠成於爾治  
壬申入

奏請

卹者止三十三次其時製牌設位堂廡寬如也嗣經隨奏隨補不免擁擠凌躡矣范君承堊意殊慊然因約丁君立中陳君衍仁高君綦陸君家驥高君全棟宋君賢鑿許君金樞排次整齊錄冊核對始自左文襄衢州初次所

奏者一百人繼由採訪局詳報者第一次至五十六次總十五萬八千八百五人又京官及各省大吏奏准咨浙者一萬七千有奇今續補五十七五十八二次凡七百三十一人共得十七萬七千三十五人謹爲增置龕几補刊姓名按其列位而不患參差編

庚辛泣杭錄卷三

壹

以字號而不虞紊亂龕凡一百八十有五牌凡七千七百七十有三越半月而竣事宋君別繪圖以示禡是固不可不記也既塞范君之意并示後之筦理是祠者光緒乙未八月二十八日記

官員饗堂凡十五龕

辰字龕

文武官牌位凡七

宿字龕

文官牌位凡二十五

列字龕

武官牌位

凡四張字龕

文官牌位凡四十二

秋字龕

武官牌位凡四十二

收字龕

文官牌位凡八十七

冬字龕

武官牌位凡八十四

藏字龕

文官牌位凡八十三

字龕

武官牌位凡六十六

餘字龕

文官牌位凡六十五

成字龕

武官牌位凡六

十歲字龕

文官牌位凡六十五

律字龕

武官牌位凡六十九

呂字龕

文官

牌位凡調字龕 武官牌位 七十五

駐防官員兵丁暨各營將弁兵勇流寓紳民饗堂

凡十六龕

陽字龕 駐防官員牌位 雲字龕 駐防兵丁第一版 凡一百七十七 雲字龕 至第三十六版 凡三十六 騰字龕 駐防兵丁第三十七版 至第七十一版 凡三十四 致字

龕 將弁第一版 至第七十一版 凡五十一 雨字龕 將弁第五十二 版 兵丁第一版 至第十版 凡十一 露字龕 兵丁第十四版 至第二版 共二十五牌 凡二十五 露字龕 第四十四版 凡三

二版 共二十五牌 凡二十五 露字龕 第四十四版 凡三 牌 結字龕 軍功第一版 至第五十 為字龕 第五

十二版 至第六十五版 凡五十一 牌 版 至第二十八版 共四十二牌 版 霜字龕 武生第

凡四十三牌 版 金字龕 至第六十版 凡六十 牌

庚辛泣杭錄卷二 其

版 生字龕 援浙各省 將弁第六十一版 至 麗字龕

援浙楚湘將弁第一 版 凡四十一 版 援浙各 路兵丁第一版 至第二十一版 共四十四牌 版 水

字龕 援浙各路兵丁 第二十二版 至第四十一版 十四 玉字龕 援浙楚 軍兵丁第二十五版 至第三

牌 版 玉字龕 援浙楚 軍兵丁第二十五版 至第三 十九 牌 版 共四 出字龕 流寓紳士第一版 至第三

字龕 流寓民人第一 版 至第二 牌 版 凡二十一 牌 版

各屬紳士饗堂 凡二十九龕

凡二十九龕 各屬紳士牌 劍字龕 各屬紳士牌 號字龕

各屬紳士牌 凡十 巨字龕 各屬紳士牌 凡八十一 闕字龕 各屬紳

位 凡八十四 巨字龕 各屬紳士牌 凡八十一 闕字龕 各屬紳

凡八珠字龕 各屬紳 士牌 凡五十八 稱字龕 錢塘紳士第一











龕新昌民人第一版至第六版臨海民人第一版

其四十蓋字龕天台民人第一版至第三十一版

三牌版民人第一版至第十一版甯海民人第一版

仙居民人第一版至第十版華民人第一版至第十六

至第八版太平民人第一版至第十版至第十六

十一牌版其身字龕蘭谿民人第一版至第十六

十九牌版其四髮字龕東陽民人第一版至第十四

十五牌版東陽民人第一版至第十四版至第十五

字龕民人第一版至第三十二版至第四十四版

大字龕義烏民人第一版至第三十八版至第四十四

一版至第七版浦江民人第一版至第十八版至第四

版至第十四版共五十一牌版五字龕浦江民人

至第十七版湯溪民人第一版至第四十三牌版西

民人第一版至第三十二版共四十三牌版西

字龕西安民人第一版至第三十二版至第六十三

版至第六十三版龍游

庚辛泣杭錄卷三

全

第十版其四恭字龕江山民人第十一版至第四

十三牌版其惟字龕常山民人第五版至第十一版

第四牌版其惟字龕開化民人第一版至第十三版

建德民人第一版至第二十二版清鞠字龕清安民

安民人第一版共四十一牌版鞠字龕清安民

版至第二十一版共四十一牌版鞠字龕清安民

第六版分水民人第一版至第八版壽昌民人第一

版至第八版共四十五牌版養字龕玉環民人第一

版至第十七版瑞安民人第一版豈字龕樂清民人

版至第三十二版共五十一牌版豈字龕樂清民人

版麗水民人第一版至第九版青田民人第一版

至第六版縉雲民人第一版至第九版青田民人

陽民人第一版至第五十牌版敢字龕縉雲民人

十版共四十一牌版毀字龕遂昌民人第一版

泉民人第一版至第四版遂昌民人第一版

八版共三十牌版傷字龕慶元民人第二十二版

龍

一版至第十四版宣平民人第一版至第四版  
景甯民人第一版至第五版共三十二牌版

駐防文武官員兵丁眷屬饗堂 凡六龕

女字龕 駐防文官眷屬第一版至第七牌版 慕字龕 駐防文官眷屬第二十三版凡二十三牌版 貞字龕 駐防武官眷屬第三十四版凡十一牌版

眷屬第二十四版至第七牌版 凡二十三牌版 貞字龕 駐防武官眷屬第三十四版凡十一牌版

一牌版 潔字龕 駐防文士眷屬第一版至第六牌版 知字龕 駐防兵丁眷屬第十七版至第十六牌版 共二牌版

過字龕 駐防兵丁眷屬第四十一版至第四十三牌版 凡二十三牌版

各屬紳婦饗堂 凡二十四龕

必字龕 錢塘紳婦第一版至第七牌版 改字龕 錢塘紳婦第十三版至第一百六牌版 得字龕 錢塘紳婦第一百七版至第十四牌版

凡三十牌版 能字龕 錢塘紳婦第一版至第七牌版 凡七牌版 改字龕 錢塘紳婦第十三版至第一百六牌版 得字龕 錢塘紳婦第一百七版至第十四牌版

莫字龕 錢塘紳婦第一版至第九牌版 凡九牌版 忘字龕 仁和紳婦第一版至第三牌版 凡三牌版 仁字龕 仁和紳婦第一版至第三牌版 凡三牌版

仁字龕 仁和紳婦第一版至第三牌版 凡三牌版 仁字龕 仁和紳婦第一版至第三牌版 凡三牌版 仁字龕 仁和紳婦第一版至第三牌版 凡三牌版

仁字龕 仁和紳婦第一版至第三牌版 凡三牌版 仁字龕 仁和紳婦第一版至第三牌版 凡三牌版 仁字龕 仁和紳婦第一版至第三牌版 凡三牌版

仁字龕 仁和紳婦第一版至第三牌版 凡三牌版 仁字龕 仁和紳婦第一版至第三牌版 凡三牌版 仁字龕 仁和紳婦第一版至第三牌版 凡三牌版

仁字龕 仁和紳婦第一版至第三牌版 凡三牌版 仁字龕 仁和紳婦第一版至第三牌版 凡三牌版 仁字龕 仁和紳婦第一版至第三牌版 凡三牌版

仁字龕 仁和紳婦第一版至第三牌版 凡三牌版 仁字龕 仁和紳婦第一版至第三牌版 凡三牌版 仁字龕 仁和紳婦第一版至第三牌版 凡三牌版

仁字龕 仁和紳婦第一版至第三牌版 凡三牌版 仁字龕 仁和紳婦第一版至第三牌版 凡三牌版 仁字龕 仁和紳婦第一版至第三牌版 凡三牌版

仁字龕 仁和紳婦第一版至第三牌版 凡三牌版 仁字龕 仁和紳婦第一版至第三牌版 凡三牌版 仁字龕 仁和紳婦第一版至第三牌版 凡三牌版

仁字龕 仁和紳婦第一版至第三牌版 凡三牌版 仁字龕 仁和紳婦第一版至第三牌版 凡三牌版 仁字龕 仁和紳婦第一版至第三牌版 凡三牌版

仁字龕 仁和紳婦第一版至第三牌版 凡三牌版 仁字龕 仁和紳婦第一版至第三牌版 凡三牌版 仁字龕 仁和紳婦第一版至第三牌版 凡三牌版

仁字龕 仁和紳婦第一版至第三牌版 凡三牌版 仁字龕 仁和紳婦第一版至第三牌版 凡三牌版 仁字龕 仁和紳婦第一版至第三牌版 凡三牌版

仁字龕 仁和紳婦第一版至第三牌版 凡三牌版 仁字龕 仁和紳婦第一版至第三牌版 凡三牌版 仁字龕 仁和紳婦第一版至第三牌版 凡三牌版

仁字龕 仁和紳婦第一版至第三牌版 凡三牌版 仁字龕 仁和紳婦第一版至第三牌版 凡三牌版 仁字龕 仁和紳婦第一版至第三牌版 凡三牌版

仁字龕 仁和紳婦第一版至第三牌版 凡三牌版 仁字龕 仁和紳婦第一版至第三牌版 凡三牌版 仁字龕 仁和紳婦第一版至第三牌版 凡三牌版

庚辛泣杭錄卷三 全







六版共凡四緣字龕壽昌民婦第一版至第五版

十五牌版永嘉民婦第一版至第五版

第五版樂清民婦第一版至第五版瑞安民婦第一版至

版麗水民婦第一版至第三版青田民婦第一版

至第四版緇雲民婦第一版至第八版共四十三

牌善字龕松陽民婦第一版至第八版

版至第三版慶元民婦第一版至第三版

第四版宣平民婦第一版至第三版

二牌版景甯民婦一

流寓紳婦民婦饗堂 凡二龕

慶字龕流寓紳婦第一版至

第十版凡十牌版尺字龕流寓民婦第

一版至第二

崇碑矗立石嶙峋欲慰忠魂薦藻蘋頓觸兵塵前度

感劇憐風月古時春仙凡未脫飛灰劫婦孺同為報

國身笑指殘梅出叢棘名園曾有詠花人樊榭先生遊皋園詩

有叢棘出殘梅之句尺二龕

昭忠祠入詠 楊文杰

宸翰堂

明湖喻其清吳山喻其峻正氣浩浩然大綱賴以振

紅雲煥

天章四字東南鎮

日星河嶽坊

日星晦或隕河嶽濁或頽惟有忠義心坊石永不摧  
日星煥九霄河嶽周九垓

### 五福廳

御筆書福字五賜嚴河臣嚴屋化祠宇萬忠託

恩綸不愧考終命五福感前因

### 成仁取義門

成仁仰孔教取義讀孟書得其門者寡斯道今何如  
掘衣肅而入瓣香拜階除

### 古藤亭

藤古蟠如龍歷劫不遭寇寇至人雖殤忠名垂宇宙

### 庚辛泣杭錄卷三

全

天台萬年藤定無逾此壽

### 太湖蕩

古橋小葵湖橋圯河流斷元時改宋城煙波留一段

鱗鱗生意多釜魚免遭亂

### 鑑心池

昔爲了公池佛心何足了惟餘效忠心一鑑出深沼

亭亭白蓮花不受污泥潦

### 庚辛橋

呼庚糧已絕受辛齋亦空億萬聲荷荷城圍無時通

今日得津濟過者血淚紅

東臯別墅八詠

丁申

昭忠祠以古臯園顏曰東臯別墅爲祭餘憩  
所樓臺猶是風景已非從舊名分賦八詠悲  
歡異致慷慨如斯

望江樓

入座娛起居三折望江曲欣戚轉瞬間戰船飛血肉  
滾滾捲怒濤越山寒不綠

滄浪書屋

滄浪變桑田山邱感華屋榜餘祭酒題喬臙故家木  
不聞孺子歌惟聽忠鬼哭

庚辛泣杭錄卷三

允

綠雪軒

綠梅開似雪暗香發臙寮心心耿鐵石對影稱神交  
綠珠早自碎雪山凝不消

墨琴堂

古墨常守黑古琴久無絃彈之不成曲寫之不終篇  
虛堂寄千古憑弔涕漣漣

漱玉亭

孤亭俯流水河流通外沙曲折繞深澗泉聲鳴幽澗  
汙泥不待漱白璧本無瑕

清校閣

池臺花石閒玲瓏，高閣閣昔何所儲。經史萬卷軸，閣今何所儲。忠義兩浙錄。

忠賢十竹煙波月之間。

高節表修修清流引脈脈，此閒一俯仰今古寓日夕。

煙消竹逾青，月闕波益白。

枕湖吟榭。

太湖不嫌少，矮榭枕碧漪。臨流悟色相，面皺將何爲。

非誦薤露歌，便吟楚騷辭。

### 遊昭忠祠

夏曾傳

王室忠貞新俎豆，侯家歌舞舊樓臺。椿庭會說童年

### 庚辛泣杭錄卷三

六

事閱到滄桑，又幾回。

先祖母孫太恭人於小農河帥爲表，兄妹行先嚴幼時常遊此。

### 昭忠祠

洪錫承

喬木鬱蒼蒼，叢祠弔國殤。游魚曾泣釜，故燕尙棲梁。

劫換乾坤小，名垂俎豆香。靈旗風雨入，長傍繆和張。

一勺太湖水，光風生白蘋。遺民虔設祭，釣客罷垂綸。

猿鶴前塵邈，鷓鴣古樹春。湖山增浩氣，莫漫悵黃巾。

高僧謁昭忠祠。

劉古焜

忠魂十萬此蒸嘗，一片叢祠落照涼。水火刀兵誰應

劫日星河獄共爭光，故侯庭院空蕭瑟。

祠舊爲前明金中丞別業。

上將旌旗已渺茫，留取英名與千載，不徒忠義說睢

陽

彈指滄桑淚一揮人民城郭是耶非黃沙欲散生何

戀碧血為燐死尚飛石上金雞隨劫度省垣再陷於威豐辛酉

濤頭銀馬擁魂歸料知餘憾消難盡化作嘯烏鳴夕

暉

更無貴賤與尊卑以死勤王則祀之慘慘衣冠共塗

炭堂堂巾幗亦鬚眉兼祀殉節婦女孤忠豈料馨香報正氣

同將劫運維今日湖山重錦繡相應含笑受明綏

南渡銷沉事可論不聞遺迹表忠存官民一例皆臣

節俎豆千秋自

庚辛泣梳錄卷三

空

國恩風馬雲車來黯黯桂旗楓蠹去昏昏遼陽烽火

今何似振觸時艱弔烈魂

附錄

浙省昭忠祠之建彙祀殉難官紳軍民婦女固

足以彰正氣而慰幽魂矣其死事尤烈者仰荷

寵命予建專祠官若羅壯節王貞介王壯愍瑞

忠壯紳若戴文節馮文介俞文節則均於扇子

巷興忠巷吳山滿營中正巷各啟祠宇崇奉馨

香而張文貞繆武烈仁和令李吳二侯張文節

則又就總祠西偏各專一祠其經營先後輪奐

自數崇卑雖各不同而祠之體制與春秋祀典要無  
異文不同張文貞祠則有學使丹徒丁公紹周題額  
曰節永湖山又聯曰小劫歷紅羊後十三年視  
學來游看兒婦銜哀薦茲一盞丹漿拜公祠宇  
貞心照青史閱二百載易名相襲歎祖孫濟美  
留取千秋碧血壯我江鄉繆武烈公祠則有吳  
江廟公賀蓀題額曰舍生取義吳李二公祠則  
有錢塘朱公智題額曰浩氣英風仁和吳公恒  
題聯曰民好亦好民惡亦惡鄂之北豫之南先  
後聯芳德澤同思賢令尹城存與存城亡與亡

庚辛泣杭錄卷三

三

義以成仁以取春秋合享馨香媲美古忠臣張  
文節祠則有署撫憲長白德公馨題額曰丹心  
拱北并聯曰文章壽世詩草成函由翰苑而直  
書齋圭臬式天潢十載盛名傳冀北義烈盈門  
忠貞報國慨全家盡投劫火湖山留正氣千秋  
勁節繼睢陽余旣仿志餘之例附錄各祠於總  
祠後因識其緣起而資後之考鏡云

張文貞公祠

張文貞公祠在清泰門內昭忠祠右同治十年奉  
旨建祀前學政諡文貞張錫庚字星白江蘇丹徒縣

人咸豐九年以刑部右侍郎蒞浙視學夙號愛才士林宗仰時浙東西郡縣相繼淪陷十一年九月杭城被圍助守六十餘日城破死難其長子直隸候補知縣恩然妾王氏媳戴氏孫女大姑同時隨殉均附祀

光緒杭州府志

張錫庚字星白江蘇丹徒人大學士玉書曾孫也道光丙申進士以二甲第一入翰林擢至左副都御史博通經史尤工駢文咸豐元年上疏請開博學鴻詞科以求方聞績學之士報聞八年視學浙江旋授刑部左侍郎錫庚嘗曰吾所取士欲其爲儒林傳中人

庚辛近杭錄卷三

三

不欲爲科第表中人吾豈不爲公門桃李計邪特不忍文章經術之才自吾失之也十一年夏金華不守甯紹繼陷杭州岌岌危甚時代者爲國子監祭酒吳保泰未至或勸錫庚歸印於巡撫而移疾去錫庚不可賊圍城中糧匱無所得米煮豆以食繼之以土食土日腹大泄不能出戶候補道某知其困也饋米石米未罄而城陷或勸曰公益微服出城閒道達上海入都自陳卽獲咎非守土責無重譴錫庚曰吾大臣也不可以辱國且吾年逾六十官階二品尙何求

乎遂自縊於聽事賊入署歎曰忠臣也棺斂而出之  
城外杭人某竊錫庚及巡撫王有齡總兵文瑞匱至  
上海江蘇巡撫薛煥爲易棺成禮時逾二月面如生  
杭城之初陷也錫庚長子候選知縣恩然殉難家人  
死者數人錫庚旣喪子居恆鬱鬱不自得及奉命  
勘王有齡與在籍副都御史王履謙互糾狀因語其  
門人曰時事如此大臣競修私怨置國事於不問吾  
恐死亡無日也獄未竟而賊至錫庚死年六十一

忠義錄

卷五 繆武烈公祠

庚辛泣杭錄卷二

七

繆武烈公祠在清泰門內昭忠祠西祀前署鹽運使  
金衢嚴道諡武烈繆梓字南汀江蘇溧陽人道光八  
年舉人十五年以大挑知縣分浙歷任仙居石門奉  
化等縣卓著循聲洊升府道咸豐二年漕河梗阻創  
議海運八年粵賊大舉犯浙力解衢圍十年春杭州  
被圍城陷時首擣賊鋒督軍血戰死事尤烈同治六  
年巡撫李瀚章奏建十一年祠成附祀者守備孫邁  
龍五品軍功丁春漢

光緒杭  
州府志

繆梓江蘇溧陽人道光戊子舉人大挑以知縣分浙  
咸豐二年署杭州府同知時豐江決口浙漕阻運梓

力主海運之議陳審海道籌船載定經費諸法請於  
巡撫黃宗漢遂以運事委之適粵匪劉麗川陷上海  
南匯諸縣浙西戒嚴宗漢檄梓赴上海助剿兼通運  
道賊負嵎拒守梓察城西有四明公所牆垣高峻令  
軍士築礮臺於中穴牆燃巨炮擊之斃賊甚夥賊出  
城拒戰復擊敗之海運向由上海出洋至是浙運阻  
隔梓訪得劉河口爲海運故道請疏治以濟四年春  
海運蕝事得旨以知府留浙七月補甯波知府調  
署杭州知府五年正月海運再竣以道員補用三月  
官軍復上海江蘇巡撫吉爾杭阿以梓督兵助剿疊

庚辛泣杭錄卷三

奎

著戰功奏賞花翎尋署杭嘉湖道兼署鹽運使六  
年署按察使時粵逆石達開自江西撫建窺浙何桂  
清以梓請練兵事奏駐常山防剿七年補金衢嚴道  
八年賊大舉犯浙號數十萬越廣豐陷江山犯衢州  
府城梓督軍自常山回救燬賊卡二賊營一斃賊千  
餘人急入城治守具凡賊圍郡城九十餘日大小數  
十戰掘地道者五卒不得進賊遁敘衢州解圍功  
賞按察使銜十年二月賊由廣德陷浙之安吉孝豐  
開道竄杭州直逼城下我軍倉卒守禦兵旣少外援  
復久不至值大雨浹旬火器不得發再戰不利梓督

軍清波門連日露宿城上當賊衝偵知賊掘地道急令治內濠雨甚不得就越日雨稍止方傳令集軍地雷猝發城崩十餘丈賊蟻附而上各軍皆潰退梓陌陣殺賊身被數十創尙屹立罵賊不止右足爲賊折始仆同治八年浙江巡撫李瀚章疏請照按察使陣亡例議卹並建專祠從之吳贈太常寺卿銜入祀昭忠祠並於死事地方暨本籍建立專祠予諡武烈國

史本傳

李吳二公祠

庚辛泣杭錄卷三

癸

殉難仁和縣知縣李福謙字地山湖北監利縣人城破泣禱於吳山城隍神願民少殺戮賊速隕滅自縊於廟尙書彭玉麟立石表焉十一年殉難仁和縣知縣吳保豐字桐生河南祥符縣舉人祖籍江蘇陽湖縣二公死事慘烈遺愛在民光緒二年紳士呈請巡撫楊昌濬奏建李公從子候補知縣元熙辛酉死難亦附祀焉

光緒杭  
州府志

李福謙湖北人居鄉以孝行著官浙游升知縣以同

知補用署金華縣賊陷江山自衢州犯金華福謙悉心戰守衣不解帶者數十日賊偵金華備禦嚴屯一

舍外不敢進敘功以知府升用咸豐八年補仁和縣  
益勤於政每遇疑獄輒移城隍神廟同質民不敢欺  
賊圍杭州嘗長跪大吏前請戰不許登陴守禦甚力  
知事不可爲出玉玦授子鴻壽曰城危與亡父子  
之緣盡矣城陷福謙猶守雲居山隘賊大至郤卒擁  
至城隍廟福謙麾眾搏戰眾潰遂自縊神座旁從子  
元熙依福謙客遊浙江旋亦投效得官升至知縣加  
同知銜咸豐十一年杭州再陷元熙守巡防局不出  
避賊至以硯投之大罵不屈賊殺之先後得諡旨賜

卹

浙江忠義錄

庚辛泣杭錄卷二

七

吳保豐字通生江蘇陽湖人占籍河南道光甲辰舉  
人揀選知縣咸豐三年常州戒嚴保豐在原籍辦理  
團練捐輸越數年復司江南大營糧臺支應敘功加  
知州銜以本班分發浙江八年春賊石達開犯衢州  
旁擾永康浦江巡撫晏端書檄保豐赴金華防守月  
餘圍解而浦江餘孽未靖時時竊發保豐往治之悉  
解散九月署金華縣事民悍吏狡訟牒填委保豐剖  
決如流案無留牘眾咸服之十年十月保豐署仁和  
縣事時寇警屢告日隨大吏設法守禦以勞勩賞  
戴藍翎十一年九月賊復犯省城城中食盡飢兵聚

搜富人粟巡撫王有齡欲殲之眾洵洵將亂保豐取首惡一人置之法餘釋不問眾藉以安及十一月二十八日城陷保豐時方赴局會議中道聞變從者勸出城避不許率隨從兵役巷戰猝遇賊兵役見賊少奮力前進追至板兒巷羣賊墮至從者四散賊以長矛刺保豐墜馬猶厲聲罵賊遂被賊性孝友可父憂哀毀骨立兄弟六人大半前死痛之甚當圍城時或勸以有母在宜自愛慨然曰吾母幸未居此土有孫侍奉吾奈何虧體辱親乎卒死之

優卹如例

浙江忠義錄

庚辛泣杭錄卷三

矣

張文節公祠

張文節公祠在清泰門內昭忠祠西祀原任翰林院編修諡文節張洵字肖眉錢塘人咸豐十一年丁母憂在籍守城禦賊力竭捐軀同治八年郡人國子監司業孫詒經奏建附祀者爲元配施氏子敘典文喜始先殉庚申之難及辛酉杭城再陷繼配勞氏子惇典從典念典守典兄濂之妻李氏姪獻典姪女九姑合門同時盡節

光緒杭州府志

張氏會館中義門變從者

張洵字肖眉錢塘人咸豐壬子進士官編修世居湖墅經明行修少有志節庚申春方值

南書房聞杭

州城陷遽乞假徒步南歸妻子俱殉幸母無恙奉之  
避塘棲母亦旋沒辛酉省垣再陷公賦絕命詞三章  
投池死事聞平九重追悼今賜諡文節子建專祠異  
數也有張文節遺集二卷

丁申丁酉杭  
郡詩三輯

以平皋園舊主祠某命謂刻意藏懷公識三遊後置

皋園舊主祠在昭忠祠後祠本金衙莊舊址明巡撫  
金學曾別業也西偏爲皋園故嚴侍郎沆所築有水  
木之勝嘉道閒大學士諡文簡章煦河道總督嚴烜  
相繼居此同治九年購建忠義總祠因並祠四公於

祠西別室以伸敬恭之意

光緒杭  
州府志

庚辛泣杭錄卷三

堯

金學曾字子魯號省吾仁和人隆慶戊辰進士初授

工曹旋擢楚學使時江陵奪情起視事言者且得罪

公致書政府中有不顧綱常廢斥正人之語詞指激

切江陵子天試公置不錄旣而分守湖南道攝臬篆

歲方大饑公賑恤多方兼封大戶倉平價以糴民賴

以活者甚衆直指某希江陵意疏劾公鵠三級遂罷

歸結孤山吟社有終焉之志江陵歿起用撫八閩數

年以老乞休年七十九卒今東城土橋畔公別業在

焉里人尙目爲金衙莊也公嘗爲太夫人造望江樓

極高風帆沙鳥在闌檻閒兼擅水木之勝窈窕明靚

遠隔市囂矣

厲鶚東城雜記

嚴沆字子餐號顥亭餘杭人順治乙未進士歷官戶部侍郎有皋園詩文集餘杭有三嚴先生者長調御次武順次敕明嘉靖乙未進士太常大紀之子也最有名三嚴各有才子曰渡曰津及侍郎亦曰三嚴而侍郎名尤著幼以孝聞善射命中無虛發既由常吉拜諫官順治丁酉典山東試以聖裔向無舉額四氏子每難中雋疏請科舉二人遂著爲令是年江南科試舞弊各省舉人皆覆試惟山東奉 命其對清微旨不必覆試康熙己未

庚辛泣杭錄卷三

百

詔舉鴻博朱彝尊方象瑛魏禧皆侍郎所薦舉也太常始居杭州今俗呼嚴衙衙者舊第在焉其後侍郎又割泥橋前金中丞學曾別業之半爲臬園以志臬魚之痛有梧月樓綠雪軒小太湖芙蓉亭諸勝宋荔裳施愚山諸公皆有詩紀之若清校樓則藏書萬卷處也所著有北行日錄二卷奏疏十二卷府志入名

臣傳

吳振械杭郡詩續輯

未幾士太常大

章煦字耀青號桐門錢塘人乾隆壬辰進士累官安淵閣大學士諡文簡公由中書入值

樞禁渥被

主知出膺列岳之尊入爲六官之長謙厚端謹世皆以鉅人長者稱日晚年以足疾乞休

予告歸里購嚴侍郎臯園居之花酣酒熟輒招一二人故人流連談讌壬午之冬余自京師返杭觴於滄浪書屋語以當官治事之道竟日媿媿不倦迨自滇中歸則吾師已厭世矣彭宣漸老而後堂絲竹無復重

聞展視遺篇不勝悽黯

吳振棫杭郡詩續輯

嚴烜字小農仁和人官東河總督小農先德皆爲河工汎官因以主簿分發河東由河道游督東南兩河歲慶安瀾

庚辛泣杭錄卷三

直

成廟倚重後

命偕趙侍郎監修浙江海塘尋與吳制軍光悅互糾以三品卿致仕著有兩河奏議小農嘗購臯園葺而新之地歸故姓人競稱羨旋爲章文簡公居第庚辛兵後大吏卽其地

奏建兩浙官紳忠義總祠春秋致祭別構數楹祠章嚴二公卽所稱五福廳也蘭菊馨香與臯園終古矣

丁申丁丙杭郡詩三輯

赭寇肇亂粵西蔓延十六省蹂躪十五年吾浙被兵之禍爲獨後而吾杭兩次被兵之禍爲尤烈同

治初左文襄自三衢提軍東下甲子全境肅清初  
設採訪忠義局於甬東旋移省會所訪殉難諸人  
以次請卹自甲子迄戊辰五月間凡達其名於  
朝者已十餘萬人顧姓氏旣登諸簡冊而豆籩不  
奉以馨香可乎崇義祠建於峨嵋山堂祇二座分  
龕供奉總牌未克徧題姓氏於是李閣學品芳章  
祭酒盞諸公請以金衙莊改建昭忠祠大吏臆之  
再請於朝以崇義祠出自民捐祭期依兩次城  
陷之日以志其悲忠義祠應歸官建祀典仍循春  
秋羣祀之常以普其饗兩相美一相致也興工於

庚辛泣杭錄卷三

三

辛未秋令落成於壬申冬月堂廡整肅龕几輝煌  
凡滿漢文武弁紳衿黎庶以及官眷民婦室女莫  
不按官秩設位分郡縣製牌崇卑自殊左右不紊  
一時歎浩劫雖重而朝廷褒崇之典與桑梓敬  
恭之思亦庶幾慰矣惟是祠基寬廣三十七畝堂  
廡縱橫百數十間益以專祀之四祠舊主之一室  
鱗次櫛比垣壘若嶂屋繁如星歲時旣久風雨所  
侵丹牖失輝青苔及案祭者僅修其儀過者轉增  
其歎里之紳耆函達閩浙制府湘鄉楊公乞以舊  
儲之鹽規備總祠之修費制府慨然允之行贖鹽

使勾撥庫儲三千金發商生息月徵六釐歲可得  
息銀二百十六兩責之善堂舉余筦理厥役距斯  
祠之成已十六年矣守祠者章君仲香本升文簡  
公之族孫也予因偕之刪除草蕪拂拭塵垢棟之  
摧者梁之壞者壁之頽者溝之塞者庀材召匠易  
之扶之培之通之兩易寒暑稍稍復舊而已耗四  
年之常息矣章君曰建祠以來採訪局向於年終  
彙奏今又十五次未登姓氏於位也予其補之  
且神龕牌位積計餘萬之眾十餘年來版刻不無  
缺側郡縣不無舛誤予其整之又祠外有太湖蕩

庚辛泣杭錄卷三

三

周圍十三畝建祠後雖改爲放生池然地近城堞  
煙波空闊屢有竊魚之患予其籌善策以防之余  
不敢謝不敏也更偕丁子厚茂才致元具冊照各  
龕牌位銜名姓氏分而錄之以補忠義錄表之不  
足其既故奏名而未刻牌位者言於夏仁山明經  
樹勳請於採訪局憲宗湘文觀察檢發案牘核而  
復錄之於冊始得將已祀之位整之未祀之位補  
之而太湖蕩亦請採訪局憲暨杭州府立界石申  
厲禁俾免網罟之慘九載於茲規模麤備而章君  
忽於今夏謝世余俯仰蒼茫感喟交集適丁松生

先生有庚辛泣杭錄之編囑予草輯祠志俾彙刻  
以垂久遠因敘其事於右庶與崇義祠志相輝映  
云光緒乙未九月上浣厚栽范承堃識

庚辛泣杭錄卷三終

庚辛泣杭錄卷三

三

庚辛泣杭錄卷三終

六次辭函未承民士特專謙恭承望  
以垂久遠因敘其事於右庶與崇義祠志相輝映  
云光緒乙未九月上浣厚栽范承堃識



